


唐書



西域列傳第一百四十六上

唐書二百二十一上

宋祁奉敕撰

泥婆羅直吐蕃之西樂陵川土多赤銅犂牛俗翦髮逮眉
穿耳植以簞若角緩至肩者為姣好無七筋攬而食其器
皆用銅其居版屋畫壁俗不知牛耕故少田作習商賈一
幅布蔽身日數盥浴重博戲通推步曆術祀天神鑄石為
象日浴之烹羊以祭鑄銅為錢面文人形背牛馬形其君
服珠頗黎車渠珊瑚虎魄垂纓耳金鈎玉璫佩寶伏突御
師子大牀燎香布花於堂而大臣坐地不藉左右持兵數
百列侍宮中有七重樓覆銅瓦楹極皆大非雜寶四隅置

銅槽下有金龍口激水仰注槽中初王那陵提婆之父爲其叔所殺提婆出奔吐蕃納之遂臣吐蕃貞觀中遣使者李義表到天竺道其國提婆大喜延使者同觀阿耨婆訶池池廣數十丈水常溢沸共傳旱潦未始耗溢或抵以物則生煙釜其上少選可熟二十一年遣使入獻波稜酢菜渾提葱永徽時其王尸利那連陀羅又遣使入貢党項漢西羌別種魏晉後微甚周滅宕昌鄧至而党項始彊其地古析支也東距松州西葉護南春桑迷桑等羌北吐谷渾處山谷崎嶇大抵三千里以姓別爲部一姓又分爲小部落大者萬騎小數千不能相統故有細封氏費聽

氏往利氏頗超氏野辭氏房當氏米禽氏拓拔氏而拓拔最彊土著有棟宇織犂尾羊毛覆屋歲一易俗尚武無法令賦役人壽多過百歲然好爲盜更相剽寇尤重復讎未得所欲者蓬首加頰跣足草食殺已乃復男女衣裘褐被擅畜犂牛馬驢羊以食不耕稼地寒五月草生八月霜降無文字候草木記歲三年一相聚殺牛羊祭天取麥他國以釀酒妻其庶母伯叔母兄嫂子弟婦惟不娶同姓老而死于孫不哭少死則曰夭枉乃悲貞觀三年南會州都督鄭元璿鑄論其酋細封步賴舉部降太宗璽詔慰撫步賴因入朝宴錫特異以其地爲軌州即授刺史步賴請率兵

討吐谷渾其後諸酋長悉內屬以其地爲岨奉嚴遠四州
即首領拜刺史有拓拔赤辭者初臣吐谷渾慕容伏允待
之厚與結婚諸羌已歸獨不至李靖擊吐谷渾赤辭屯狼
道峽抗王師廓州刺史久且洛生欲諭降之辭曰渾主以
腹心待我不知其他若速去且汙吾刀洛生怒引輕騎破
之肅遠山斬首數百級虜雜畜六千帝因其勝又令約降
赤辭從子思頭潛納欵其下拓拔細豆亦降赤辭知宗族
攜沮稍欲自歸岷州都督劉師立復誘之即與思頭俱內
屬以其地爲懿嗟麟可三十二州以松州爲都督府擢赤
辭西戎州都督賜氏李貢職遂不絕於是自河首積石山

而東皆爲中國地後吐蕃寢盛拓拔畏偪請內徙始詔
慶州置靜邊等州處之地乃入吐蕃其處者皆爲吐蕃役
屬更號弭藥又有黑党項者居赤水西其長號敦善王慕
容伏允之走也依之及吐谷渾欵附敦善王亦納貢居雪
山者曰破丑氏又有白蘭羌吐蕃謂之丁零左屬党項右
與多彌接勝兵萬人勇戰鬥善作兵俗與党項同武德六
年使者入朝明年以其地爲維恭二州貞觀六年與契苾
數十萬內屬永徽時特浪生羌卜樓大首領凍就率衆來
屬以其地爲劔州龍朔後白蘭春桑及白狗羌爲吐蕃所
臣藉其兵爲前驅白狗與東會州接勝兵纔千人在西北

者天授中內附戶凡二十萬以其地爲朝吳浮歸十州散居靈夏間至德末爲吐蕃所誘使爲鄉導鈔邊俄悔悟更來朝願助靈州饜輓乾元間中國數亂因寇邠寧二州肅宗詔郭子儀都統朔方邠寧鄜坊節度事以鄜州刺史杜冕邠州刺史桑如珪分二隊出討子儀至党項潰去上元元年在涇隴部落十萬衆詣鳳翔節度使崔光遠降二年與渾奴刺連和寇寶鷄殺吏民掠財珍焚大散關入鳳州殺刺史蕭悅節度使李鼎追擊走之明年又攻梁州刺史李勉走進寇奉天大掠華原同官去詔臧希讓代勉爲刺史於是歸順乾封歸義順化和寧和義保善寧定羅雲朝

鳳凡十州部落詣希讓獻款焉節印詔可僕固懷恩之叛誘党項渾奴刺入寇衆數萬掠鳳翔盤厚大酋鄭廷郝德入同州刺史韋勝走節度使周智光破之澄城閱月又入同州焚宮私室廬壁馬蘭山郭子儀遣兵襲之退保三堡子儀遣慕容休明諭降廷德子儀以党項吐谷渾部落散處鹽慶等州其地與吐蕃濱近易相脅即表徙靜邊州都督夏州樂容等六府党項于銀州之北夏州之東寧朔州吐谷渾住夏西以離沮之召靜邊州大首領左羽林大將軍拓拔朝光等五刺史入朝厚賜賚使還緩其部先是慶州有破丑氏族三野利氏族五把利氏族一與吐蕃姻援

贊普悉王之因是擾邊凡十年子儀表工部尚書路嗣恭
為朔方留後將作少監梁進用為押党項部落使置行慶
州且言党項陰結吐蕃為變可遣使者招慰安其反謀因
令進用為慶州刺史嚴邏以絕吐蕃往來道代宗然之又
表置靜邊芳池相興五州都督長史永平旭定清寧寧保
忠順靜塞萬吉等七州都督府於是破丑野利把利三部
及思樂州刺史拓拔乞梅等皆入朝宣定州刺史折磨布
落芳池州野利部並徙綏延州大曆末野利禿羅都與吐
蕃叛招餘族不應子儀擊之斬禿羅都而野利景庭野利
剛以其部數千人入附雞子川六州部落曰野利越詩野

利龍兒野利厥律兒黃野海野宰等居慶州者號東山部
夏州者號平夏部永泰後稍徙石州後為永安將阿史那
思曠賦索無極遂亡走河西元和吐蕃復置宥州護党項至
太和中浸疆數寇掠然器械鈍苦蓋以唐兵精則以善馬購
鎧善羊貿弓矢鄜坊道軍糧使李元表禁商人不得以旗
幟甲冑五兵入部落告者舉罪人財畀之至開成末種落
愈繁富賈人齎繒寶鬻羊馬藩鎮垂其利疆市之或不得
直部人怨相率為亂至靈鹽道不溫武宗以待御史為使
招定分三印以邠寧延屬崔彥曾曠夏長澤屬李鄴靈武
麟勝屬鄭賀皆緋衣銀魚而功不立宣宗太中四年內掠

邠寧詔鳳翔李業河東李拭合節鑿兵討之宰相白敏中
為都統帝出近苑或以竹一箇植口外見纔尺許遠且百
步帝屬二矢曰党羌窮寇仍歲暴台鄙今我約射竹中則
彼當自亡不中我且索天下兵討之終不以此賊遺子孫
左右注目帝一發竹分矢徹諸人左右呼萬歲不閱月羗
果破珍餘種竄南山始天寶末夏部有戰功擢容州刺
史天枉軍使其裔孫拓拔思恭咸通末竊據宥州稱刺史
黃巢入長安與鄜州李孝昌壇而坎牲誓討賊僖宗賢之
以為左武衛將軍權知夏綏銀即度使次王橋為巢所敗
更與鄭畋四節度盟屯渭橋和二年詔為京城西面都

統檢校司空同中書門下平章事俄進四而都統權知京
兆尹賊平兼太子太傅封夏國公賜姓李嗣襄王湍之亂
詔思恭討賊兵不出卒以弟思諫代為定難節度使思孝
為保大節度鄜坊丹翟等州觀察使並檢校司徒同中書
門下平章事王行瑜反以思孝為北面招討使思諫東北
面招討使思孝亦因亂取鄜州遂為節度使累兼侍中以
老薦弟思敬為保大軍兵馬留後俄為節度使
東女亦曰蘇伐刺拏瞿咀羅羗別種也西海亦有女自主
故稱東別之東與吐蕃党項茂州接西屬三波訶北距于
闐東南屬雅州羅女蠻曰狼夷東西行盡九日南北行盡

二十日有八十城以女爲君居康延川巖險四繚有弱水南流縫革爲船戶四萬勝兵萬人王號賓就官曰高霜黎猶言宰相也官在外者率男子爲之凡號令女官自內傳男官受而行王侍女數百五日一聽政王死國人以金錢數萬納王族求淑女二立之次爲小王王死因以爲嗣或姑死婦繼無篡奪所居皆重屋王九層國人六層王服青毛綾裙被青裒袖委於地冬羔裘飾以文錦爲小鬟髻耳垂璫足曳鞵鞵鞵履也俗輕男子女貴者咸有侍男被髮以青塗面惟務戰與耕而已子從母姓地寒宜麥畜羊馬出黃金風俗大抵與天竺同以十一月爲正巫者以十

月詣山中布糶麥呪呼群鳥俄有鳥來如雞狀剖視之有穀者歲豐粟口即有災名曰鳥卜居喪三年不易服不櫛沐貴人死剝藏其皮內骨甕中揉金屑瘞之王之葬殉死至數十人武德時王湯滂氏始遣使入貢高祖厚報爲突厥所掠不得通貞觀中使復至太宗重制慰撫顯慶初遣使高霸黎文與王子三盧來朝授右監門中郎將其王斂臂使大臣來請官號武后冊拜斂臂左玉鈐衛員外將軍賜瑞錦服天授開元間王及子再來朝詔與宰相宴曲江封王曳夫爲歸昌王左金吾衛大將軍後乃以男子爲王貞元九年其王湯立悉與白狗君及哥隣君董卧庭通租君

鄧吉知南水 若薛尚悉曩弱水君董避和悉董居湯魚贊
清遠君蘇唐 磨鳴霸君董藐蓬皆詣劍南韋臯求內附其
種散居西山 弱水雖自謂王蓋小小部落耳自失河龍悉
為吐蕃羈屬 部數千戶輒置令歲督絲絮至是猶上天寶
所賜詔書臯 處其衆於維霸等州賜牛糧治生業立悉等
入朝差賜官 祿於是松州卷二萬口相踵入附立悉等官
刺史皆得世 襲然陰附吐蕃故謂兩面卷

高昌直京師西四千里而羸其橫八百里縱五百里凡二
十一城王都交河城漢車師前王廷也田地城戍已校尉
所治也勝丘萬人土沃麥禾皆再熟有草名白疊顯花可

織爲布俗辨髻垂後共王麴伯雅隋時嘗妻以戚屬宇文
氏女號華容公主武德初伯雅死子文泰立遣使來告高
祖命使者臨弔後五年獻狗高六寸長尺能曳馬銜燭云
出拂菻中國始有拂菻狗太宗即位獻玄狐衣帝賜妻宇
文華鑊一具宇文亦上玉盤几諸國施爲輒以聞貞觀四
年文泰遂來朝禮賜厚甚宇文求預宗籍有詔賜氏李更
封常樂公主久之文泰與西突厥通凡西域朝貢道其國
咸見壅掠伊吾嘗臣西突厥至是內屬文泰與葉護共擊
之帝下詔讓其反覆召大臣冠軍阿史那矩計事文泰不
遣使長史麴雍來謝罪初大業末華民多奔突厥及頡利

敗有逃入高昌者有詔護送文泰苛留之又與西突厥乙毗設破焉者二城虜其人焉者王訴諸朝帝遣虞部郎中李道裕問狀復遣使謝帝引責曰而主數年朝貢不入無藩臣禮擅置官擬效百僚今歲首萬君長悉來而主不至日我使人往文泰猥曰鷹飛于天雉竄于蒿猶遊于堂鼠安于穴各得其所豈不快邪西域使者入貢而主悉拘梗之又諗薛延陀曰既自爲可汗與唐天子等何事拜謁其使明年我當發兵虜而國歸謂而君善自圖時薛延陀可汗請爲軍向導故民部尚書唐儉至延陀堅約帝復下璽書示文泰禍福促使入朝文泰遂稱疾不至乃拜侯君集

爲交河道大摠管左屯衛大將軍薛萬均薩孤吳仁副之契苾何力爲葱山道副大摠管武衛將軍牛進達爲行軍摠管率突厥契苾騎數萬討之群臣諫以行萬里兵難得志且天界絕域雖得之不可守帝不聽文泰謂左右曰曩吾入朝見秦隴北城邑蕭條非有隋比今伐我兵多則糧輒不逮若下三萬我能制之度磧疲鈍以逸待來卧收其敝耳十四年聞王師至磧口悸駭無它計發病死子智盛立君集奄攻田地城契苾何力以前軍虜戰是夜星墜城中明日拔其城虜七千餘人中郎將辛獠兒以勁騎夜逼逼其都智盛以書遺君集曰得罪於天子者先王也咎深

謹積震墜厥命智盛嗣位未幾公其見赦君集曰能悔禍者當固縛軍門智盛不容軍進填隍引衝車飛石如雨城中大震智盛令大將麴士義居守身與綰曹麴德俊謁軍門請改事天子君集諭使降辭未屈薛萬均勃然起曰當先取城小兒何與語麾而進智盛流汗伏地曰唯公命乃降君集分兵略定凡王州五縣二十二城戶八千口三萬馬四千先是其國人謠曰高昌兵如霜雪唐家兵如日月日月照霜雪幾何自殄滅文泰捕謠所發不能得也捷書聞天子大悅宴群臣班賜策功赦高昌所部披其地皆州縣之號西昌州特進魏徵諫曰陛下即位高昌最先朝謁俄以掠商胡遏貢獻故王誅加焉文泰死罪止矣撫其人立其子伐罪弔民道也今利其土屯守常千人屯士數年一易辦裝資離親戚不十年隴右且空陛下終不得高昌圭粒廼帛助中國費所謂散有用事無用不納敗西昌州曰西州更置安西都護府歲調千兵謫罪人以戍黃門侍郎褚遂良諫曰古者先函夏後夷狄務廣德化不爭荒逖令高昌誅滅威動四夷然自王師始征河西供役飛米轉芻十室九匱五年未可復今又歲遣屯戍行李萬里去者資裝使自營辦賣菽粟傾機杼道路死亡尚不計罪人始於犯法終於惰業無益於行所遣復有亡命官司捕逮株

蔓相牽有如張掖酒泉塵飛烽舉豈得高昌一乘一卒及
事乎必發隴右河西耳然則河西爲我腹心高昌他人手
足也何必耗中華事無用昔陛下平頡利吐谷渾皆爲立
君蓋罪而誅之伏而立之百蠻所以畏威慕德也今宜擇
高昌可立者立之召首領悉還本土長爲藩翰中國不擾
書文不省初文泰以金厚餉西突厥欲谷設約有急爲表
裏使葉護屯可汗浮圖城及君集全懼不敢發遂來降以
其地爲廷州焉耆請歸高昌所奪五城留兵以守君集勒
石紀功凱而旋俘智盛君臣獻觀德殿行飲至禮酺三日
徙高昌豪傑於中國智盛拜左武衛將軍金城郡公弟智

湛右武衛中郎將天山郡公麴氏傳國九世百三十四年
而亡智湛麟德中以左驍衛大將軍爲西州刺史卒贈涼
州都督有子昭好學有醫異書者母顧笥中金歎曰何愛
此不使子有異聞乎盡持易之昭歷司膳卿頗能辭草第
崇裕有武藝永徽中爲右武衛翊府中郎將封交河郡王
邑至三千戶終鎮軍大將軍武后爲舉哀祔以美錦賻賜
甚厚封爵絕

吐谷渾居其松山之陽洮水之西南抵白蘭地數千里有
城郭不居也隨水草帳室肉糧其官有長史司馬將軍王
公僕射尚書郎中蓋慕諸華爲之俗識文字其王椎髻黑

目妻錦袍織裘金鵠飾首男子服長袞繒冒或寇幕離婦人辨髮紫後綴珠貝婚禮富家厚納聘貧者竊妻去父死妻庶母兄死妻嫂喪有服葬已即除民無常稅用不足乃斂富室商人足而止凡殺人若盜馬者死它罪贖以物地多寒宜麥菽粟蕪菁出小馬犛牛銅鐵丹砂有青海者周八九百里中有山須冰合游牝馬其上明年生駒號龍種掌得波斯馬牧于海生驄駒日步千里故世稱青海駒西北有流沙數百里夏有熱風傷行人風將發老駝引項鳴理鼻沙中人俟之以氈蔽鼻口乃無恙隋時其王慕容伏允號步薩鉢嘗寇邊煬帝遣鐵勒敗之壁西平復命觀王

雄破其衆伏允以數十騎入泥嶺亡去仙頭王率男女十餘萬降置郡縣鎮戍以長子順為質因王之統餘衆俄還伏允客党項隋亂因得復故地高祖受命順自江都還長安于時李軌據涼州帝乃約伏允和令擊軌自效當護送順伏允喜引兵與軌戰庫門交綏止即遣使請順帝遣之順至號為太寧王太宗時伏允遣使者入朝未還即寇鄯州帝遣使者讓且召伏允以疾為解而為子求婚驗帝意帝召子親迎亦稱疾有詔止婚遣中即將康處直臨諭又掠岷州都督李道彥擊走之執名王二斬級七百連歲遣名王朝俄寇涼州鄯州刺史李玄運表吐谷渾牧馬青

唐傳卷之六十一
海輕兵掩之可盡致乃命左驍衛大將軍段志玄左驍衛
將軍梁洛仁率契苾克項兵擊之未至三十里志玄等不
欲戰壁而留虜知之驅牧馬走副將李君羨率精騎尾襲
懸水上得牛羊二萬還是時伏允老不能事其相天柱王
用事拘天子行人鴻臚丞趙德楷帝遣使曉敕十反無悛
言貞觀九年詔李靖為西海道行軍大總管侯君集積石
道任城王道宗鄯善道李道彥赤水道李大亮且末道高
既生鹽澤道並為行軍總管率突厥契苾兵擊之克項內
屬羗及洮州羗皆殺刺史歸伏允夏四月道宗破伏允于
庫山俘斬四百伏允謀入磧疲唐兵燒野草故靖馬多飢

道宗曰柏海近河源古未有至者伏允西走未知其在方
馬糶糧乏難遠入不如按軍鄯州須馬狀更圖之君集曰
不飲嚮者段志玄至鄯州吐谷渾兵輒傳城彼國方
完逆衆用命也今虜大敗斤候無存君臣相失我乘其
困可以得志柏海雖遠可鼓而致也請曰善分二軍靖
與大亮薛万均以一軍趣北出其右君集道宗以一軍趣
南出其左靖將薩孤吳仁以輕騎戰曼都山斬名王獲五百
級諸將戰牛心堆赤水源獲虜將南昌王慕容孝雋收雜
畜數万若集道宗登漢哭山戰烏海獲名王梁屈葱靖破
天柱部落於赤海收雜畜二十万大

侍名王二十雜畜

五方次旦末之西伏允走圖倫磧將託于圓方均督銳騎
追亡數百里又破之土乏水刺馬飲血君集道宗行空荒之
二千里盛夏降霜乏水草土糜水馬秣雪閱月次星宿川達
柏海上望積石山覽觀河源執失思力馳破虜軍重兩軍
會于大非山破邏真各順之質隋爲金素光祿大夫伏允
立其弟爲太子順歸鞅鞅自以失位欲以功自結天子乃
斬天柱王舉國降伏允懼引千餘人遁磧中衆稍亡從者
纔百騎窮無聊即自經死國人立順爲君稱臣內附詔封
西平郡王號越胡呂烏其足可汗帝怒未能定其國遣李大
亮率精兵鎮援順又虜華國人不附卒爲下所殺立其子

燕王諾曷鉢諾曷鉢幼大臣爭權帝詔侯君集就經紀之
始請頒曆及子弟入侍詔封諾曷鉢河源郡王號烏地也
拔勒豆可汗遣誰陽郡王道明持節冊命賜鼓纛諾曷
鉢身入謝遂請婚獻馬牛羊萬比年入朝乃以宗室
女爲弘化公主妻之詔道明及右武衛將軍慕容寶持節
送公主其相宣王跋扈謀作亂欲襲公主劫諾曷鉢奔吐
蕃諾曷鉢知之引輕騎走鄯城威信至以兵迎之果殺都
尉席君買率兵與威信王共討斬其兄弟三人國大擾帝
又詔民部尚書唐儉中書舍人馬周持節撫慰高宗立
以立故拜駙馬都尉又獻名馬帝問馬種性使者曰國

之最良者帝曰良馬人所愛詔還其馬公主表請入朝遣右驍衛將軍鮮于匡濟迎之十一月及諾曷鉢至京師帝又以宗室女金城縣主妻其長子蘇度摸末拜左領軍衛大將軍久之摸末死主與次子左武衛大將軍梁溪王闡盧摸末來請婚帝以宗室女金明縣主妻之既而與吐蕃相攻上書相曲直並來請師天子兩不許吐谷渾大臣素知貴奔吐蕃言其情吐蕃出兵擣盧破其衆黃河上諾曷鉢不支與公主引數千帳走涼州帝遣左武衛大將軍蘇定方爲安集大使平兩國怨吐蕃遂有其地諾曷鉢請內徙乾封初更封青海國王帝欲徙其部於涼州之南山羣臣儀

難之咸亨元年乃以右威衛大將軍薛仁貴爲邏娑道行軍大總管左衛員外大將軍阿史那道真左衛將軍郭待封副之總兵五萬討吐蕃且納諾曷鉢於故廷王師敗於大非川舉吐谷渾地皆陷諾曷鉢與親近數千帳纔免三年乃徙浩亶水南諾曷鉢以吐蕃盛勢不抗而鄯州地狹又徙靈州帝爲置安樂州卽拜刺史欲其安且樂云諾曷鉢死子忠立忠死子宣超立聖曆三年拜左豹韜員外大將軍襲故可汗號餘部詣涼甘肅瓜沙等州降宰相張錫與右武衛大將軍唐休璟議徙其人於秦隴豐靈間令不得叛去涼州都督郭元振以爲吐谷渾近秦隴則與監牧

雜處置豐靈又邇默啜假在諸華亦不遽移其性也前日王孝傑自河源軍徙耽爾乙句貴置靈州既其叛乃入牧坊掠群馬廢夷州縣是則遷中土無益之成驗往素和貴叛去於我無損但失吐谷渾數十部豈與句貴比邪今降虜非疆服皆突矢刃棄吐蕃而來宜當循其情爲之制也當甘肅瓜沙降者卽其所置之因所投而居情易安磔數州則勢自分順其情分其勢不擾於人可謂善奪戎心者也歲遣鎮遏使者與宜超兄弟撫護之無令相侵奪生業固矣有如叛去無損中國詔可宜超死子曦皓立曦皓死子兆立吐蕃復取安樂州而殘衆徙朔方河東語謬爲退

渾貞元十四年以朔方節度副使左金吾衛大將軍慕容復爲長樂都督青海國王襲可汗號復死停襲吐谷渾自晉永嘉時有國至龍朔三年吐蕃取其地凡三百五十年及此封嗣絕矣

焉耆國直京師西七千里而羸橫六百里縱四百里東高昌西龜茲南尉犁北烏孫逗渠溉田土宜黍葡萄有魚鹽利俗祝髮毳衣戶四千勝兵二千常役屬西突厥俗尚娛遨二月朏出野祀四月望日游林七月七日起生祖十月望日王始出遊至歲盡止太宗貞觀六年其王龍突騎支始遣使來朝自隋亂磧路閉故西域朝貢皆道高昌突騎

支請開大磧道以便行人帝許之高昌怒大掠其邊西突厥莫賀設與咄陸弩失畢作難來奔咄陸弩失畢復攻之遣使言狀并貢名馬啞利失可汗立素善焉耆故倚爲援十二年處月處蜜與高昌攻陷其五城掠千五百人焚廬舍侯君集討高昌遣使與相聞突騎支喜引兵佐唐高昌破歸向所俘及城遣使者入謝西突厥臣屈利啜爲弟娶突騎支女遂相約爲輔車勢不朝貢安西都護郭希恪請討之會王弟頡鼻粟婆準葉護等三人來降帝即命孝恪爲西州道總管率兵出銀山道以去婆準等爲鄉道初焉耆所都周三十里四面太山海水繞其外故恃不爲虞者

恪倍道絕水夜傳檄遲曙諫而登鼓角轟哄唐兵縱圍入擾敗斬千餘級執突騎支更以粟婆準攝國事始帝語近臣曰孝恪以八月十一日詣焉耆閱二旬可至當以二十一日破之使者今至矣俄而遽人以捷布聞囚突騎支及妻子送洛陽有詔赦罪屈利啜以兵救焉耆而孝恪還三日矣屈利啜囚粟婆準更使吐屯攝王遣使以告帝曰焉耆我所下爾乃王之邪吐屯懼不敢王焉耆立粟婆準焉從兄薛婆阿那支自爲王號瞎千執粟婆準獻龜茲殺之阿史那社爾討龜茲阿那支奔之壁東境抗王師爲社爾所禽數其罪斬以徇立突騎支弟婆伽利爲王以其地爲

馬耆都督府婆伽利死國人請還前王突騎支高宗許之
拜左衛大將軍歸國死龍嬾突立武后長安時以其國小
人寡過使客不堪其勞詔四鎮經略使禁止僉使私馬無
品者肉食開元七年龍嬾突死焉吐拂延立於是十姓可
汗請居碎葉安西節度使湯嘉惠表以馬耆備四鎮詔焉
耆龜茲疏勒于闐征西域賈各食其征由北道者輸臺征
之訖天寶常朝賀

龜茲一曰丘茲一曰屈茲東距京師七千里而羸自焉耆
西南步一百里度小山經大河二又步七百里乃至橫干
里縱六百里土宜麻麥稔稻葡萄出黃金俗善歌樂旁行

書貴浮圖法產子以木壓首俗斷髮齊頂惟君不剪髮姓
白氏居伊邏盧城北倚阿羯田山亦曰白山常有火王以
錦肩頂錦袍寶帶歲朔鬪羊馬橐它七日觀勝負以上歲
盈耗云葱嶺以東俗喜淫龜茲于闐置女肆征其錢高祖
受禪王蘇伐勃駛遣使入朝會死子蘇伐疊立號時健莫
質俟利發貞觀四年獻馬太宗賜璽書撫慰加等後臣西
突厥郭孝恪伐焉耆乃遣兵與焉耆影援自是不朝貢蘇
伐疊死弟訶黎布失畢立二十一年兩遣使朝貢然帝怒
其佐焉耆叛議討之是夜月食昴詔日月陰精用刑兆也
星胡分數且終乃以阿史那社爾爲崑丘道行軍大總管

契苾何力副之率安西都護郭孝恪司農卿楊弘禮左武
衛將軍李海岸等發鐵勒十三部兵十萬討之社爾分五
軍掠其北執焉耆王阿那支龜茲大忍酋長皆棄城走社
爾次石磧去王城三百里先遣伊州刺史韓威以千騎居
前右驍衛將軍曹繼叔次之至多褐與王遇其將羯獵頭
兵五萬合戰威僞北王見威兵少麾而進威退與繼叔合
還戰大破之追奔八十里王嬰城社爾將圍之王引突騎
西走城遂拔孝恪居守沙州刺史蘇海政行軍長史薛萬
備以精騎窮躡六百里王計窮保撥換城社爾圍之閱月
執王及羯獵頭其相那利夜逸以西突厥并國人萬餘來

戰孝恪及子死之王師擾倉部郎中崔義起募兵戰城中
繼叔威助擊之斬首二千級那利敗裒亡散復振還襲王
師繼叔乘之斬八千級那利走或執以詣軍社爾凡破五
大城男女數萬遣使者諭降小城七百餘西域震懼西突
厥安兩國歸軍饗焉社爾立王弟葉護王其國勒石紀功
書聞帝喜見群臣從容曰夫樂有幾朕嘗言之土城竹馬
童兒樂也飭金翠羅紈婦人樂也貿遷有無商賈樂也高
官厚秩士大夫樂也戰無前敵將帥樂也四海寧一帝王
樂也朕今樂矣遂徧觴之初孝恪之擊焉耆也龜茲有浮
屠善數歎曰唐家終有西域不數年吾國亦亡社爾執訶

黎布失畢那利羯獵顛獻太廟帝受俘紫微殿帝責謂群臣皆頓首伏詔赦罪改館鴻臚寺拜布失畢左武衛中郎將始徙安西都護於其都統于闐碎葉疏勒號四鎮高宗復討訶黎布失畢爲龜茲王與那利羯獵顛還國久之王來朝那利烝其妻阿史那王不能禁左右請殺之由是更猜忌使者言狀帝拜召至京師囚那利護遣王還羯獵顛拒不內遣使降賀魯王不敢進悒悒死詔左屯衛大將軍楊胄發兵禽羯獵顛窮誅部黨以其地爲龜茲都督府更立子素稽爲王授右驍衛大將軍爲都督是歲徙安西都護府於其國以故安西爲西州都督府即拜左驍衛大將

軍兼安西都護麴智湛爲都督西域平帝遣使者分行諸國風俗物產詔許敬宗與史官撰西域圖志上元中素稽獻銀頗羅名馬天授二年王延田跌來朝始儀鳳時吐蕃攻焉耆以西四鎮皆沒長壽元年武威道總管王孝傑破吐蕃復四鎮地置安西都護府於龜茲以兵三萬鎮守於是沙磧荒絕民供貲糧苦甚議者請棄之武后不聽都護以政績稱華狄者田揚名郭元振張孝嵩杜暹云開元七年王白莫苾死子多帀立改名孝節十八年遣弟孝義來朝自龜茲羸六百里踰小沙磧有跋祿迦小國也一曰亟墨即漢姑墨國橫六百里縱三百里風俗文字與龜茲同

言語少異出細氈褐西二百里度石磧至凌山葱嶺北原也水東流春夏山谷積雪西北五百里至素葉水城比國商胡雜居素葉以西數十城皆立君長役屬突厥自素葉水城至羯霜那國衣氈褐皮氈以繒繚額素葉城西四百里至千泉地羸二百里南雪山三垂平陸多泉池因名之突厥可汗歲避暑其中羣鹿飾鈴鑲可狎也西羸百里至咀邏私城亦比國商胡雜居有小城三百本華人爲突厥所掠羣保此尚華語西南羸二百里至白水城原隰膏腴南五十里有筴赤建國廣千里地沃宜稼多蒲陶又二百里即石國

疏勒一曰佉沙環五千里距京師九千里而羸多沙磧少壤土俗尚詭詐生子亦夾頭取禰其人文身碧瞳王姓裴氏自號阿摩支居迦節城突厥以女妻之勝兵二千人俗祠祇神貞觀九年遣使者獻名馬又四年與朱俱波甘棠貢方物太宗謂房玄齡等曰曩者一天下克勝四夷惟秦皇漢武耳朕提三尺劍定四海遠夷率服不減二君者然彼末路不自保公等宜相輔弼毋徒諛言置朕於危亡也儀鳳時吐蕃破其國開元十六年始遣大理正喬夢松攝鴻臚少卿而其君安定爲疏勒王天寶十二載首領裴國良來朝授折衝都尉賜紫袍金魚朱俱波亦名朱俱槃漢

子合國也并有西夜蒲鞞休喇得若四種地直于闐西千
里葱嶺北三百里西距喝盤陀北九百里屬疏勒南三千
里女國也勝兵二千人尚浮屠法文字同婆羅門其案在
海南崑崙人也喝盤陀或曰漢陀曰渴館檀亦謂渴羅陀
由疏勒西南入劔末谷不忍領六百里其國也距瓜州四
千五百里直朱俱波西南距懸度山北抵疏勒西護密西
北判汗國也治葱嶺中都城負徒多河勝兵千人其王本
疏勒人世相承爲之西南即頭痛山也葱嶺俗號極疑山
環其國人勁悍貌言如于
具法殺人剽劫者死餘得贖
賦必輸服飾王坐人牀後
八延中始通中國貞觀九年

遣使者來朝開元中破平其國置葱嶺守捉安西極邊戍
也

于闐或曰瞿薩旦那亦曰渙那曰屈丹北狄曰于遁諸胡
曰豁旦距京師九千七百里瓜州羸四千里并有漢戎盧
杆彌渠勒皮山五國故地其居曰西山城勝兵四千人有
玉河國人夜視月光盛處必得美玉王居繪室俗機巧言
迂大喜事祇神浮屠法然貌恭謹相見皆跪以木爲筆玉
爲印凡得問遺書戴于首乃發之自漢武帝以來中國詔
書符節其王傳以相授人喜歌舞工紡績西有沙磧鼠大
如蝟色類金出入羣鼠爲從初無桑蠶丐隣國不肯出其

王卽求婚許之將迎乃告曰國無帛可持蠶自爲衣女聞置蠶帽絮中關守不敢驗自是始有蠶女刻石約無殺蠶蛾飛盡得治繭王姓尉遲氏名屋密本臣突厥貞觀六年遣使者入獻後三年遣子入侍阿史那社爾之平龜茲也其王伏闕信大懼使子獻橐它三百長史薛萬備謂社爾曰今破龜茲西域皆震恐願假輕騎羈于闐王獻京師社爾許之至于闐陳唐威靈勸入見天子伏闕信乃隨使者來會高宗立授右衛大將軍子葉護玷爲右驍衛將軍賜袍帶布帛六千段第一區留數月遣之請以子弟宿衛上元初身率子弟酋領七十人來朝擊吐蕃有功帝以其地

爲毗沙都督府析十州授伏闕雄都督死武后立其子璿開元時獻馬駝豹璿死復立尉遲伏師戰爲王死伏闕達嗣并冊其妻執失爲妃死尉遲珪嗣妻馬爲妃珪死子勝立至德初以兵赴難因請留宿衛乾元二年以其弟左監門衛率葉護曜爲太僕員外卿同四鎮節度副使權知本國事勝自有傳于闐東二三百里有建德力河七百里有精絕國河之東有汗彌居達德力城亦曰拘彌城卽鞞彌故城皆小國也初德宗卽位遣內給事朱如王之安西求五於于闐得圭一珂佩五枕一帶勝三百簪四十奩三十釧十許三瑟瑟百斤并它寶具等及還詐言假道回紇爲所奪

父之事泄得所市流死忍州
天竺國漢身毒國也或曰摩伽陀曰婆羅門去京師九千
六百里都護治所二千八百里居葱嶺南幅圓三萬里分
東西南北中五天竺皆城邑數百南天竺瀕海出師子豹
獐麁屯犀象火齊琅玕石蜜黑鹽北天竺距雪山圍抱如
壁南有谷通爲國門東天竺際海與扶南林邑接西天竺
與罽賓波斯接中天竺在四天竺之會都城曰茶縛和羅
城濱迦毗黎河有別城數百皆置長別國數十置王曰舍
衛曰迦沒路開戶皆東嚮曰迦尸或曰波羅奈亦曰波羅
那斯其畜有稍割牛黑色角細長四尺許十日一割不然

困且死人飲其血或曰壽五百歲牛壽如之中天竺王姓
乞利啞氏亦曰利利世有其國不篡殺土溽熱稻歲四熟
禾之長者沒橐它以貝齒爲貨有金剛旃檀鬱金與大秦
扶南交趾相貿易人富樂無簿籍耕王地者乃輸稅以舐
足摩踵爲致禮家有奇樂倡伎王大臣皆服錦罽爲螺髻
於頂餘髮翦使卷男子穿耳垂璫或懸金耳緩者爲上類
徒跣衣重白婦人項飾金銀珠纓絡死者燔骸取灰建窆
堵或委野中及河餌鳥獸魚鼈無喪紀謀反者幽殺之小
罪贖錢不孝者斷手足劓耳鼻徙于邊有文字善步曆學
悉曇章妄曰梵天法書貝多葉以記事尚浮圖法不殺生

飲酒國中處處指曰佛故跡也信盟誓傳禁呪能致龍起雲雨隋煬帝時遣裴矩通西域諸國獨天竺拂菻不至爲恨武德中國大亂王尸羅逸多勒兵戰無前象不弛鞍士不釋甲因討四天竺皆北面臣之會唐浮屠玄奘至其國尸羅逸多召見曰而國有聖人出作秦王破陣樂試爲我言其爲人玄奘粗言太宗神武平禍亂四夷賓服狀王喜曰我當東面朝之貞觀十五年自稱摩伽陀王遣使者上書帝命雲騎尉梁懷璠持節尉撫尸羅逸多驚問國人自古亦有摩訶震旦使者至吾國乎皆曰無有戎言中國爲摩訶震旦乃出迎膜拜受詔書戴之頂復遣使者隨入朝

詔衛尉丞李義表報之大臣郊迎傾都邑縱觀道上焚香尸羅逸多率羣臣東面受詔書復獻火珠鬱金菩提樹二十三年遣右衛率府長史王玄策使其國以蔣師仁爲副未至尸羅逸多死國人亂其臣那伏帝阿羅那順自立發兵拒玄策時從騎纔數十戰不勝皆沒遂剽諸國貢物玄策挺身奔吐蕃西鄙檄召隣國兵吐蕃以兵千人來泥婆羅以七千騎來玄策部分進戰茶鏞和羅城三日破之斬首三千級溺水死萬人阿羅那順委國走合散兵復陣師仁禽之俘斬千計餘衆奉王妻息阻乾陀衛江師仁擊之大潰獲其妃王子虜男女萬二千人雜畜三萬降城邑五

百八十所東天竺王尸鳩摩送牛馬三萬餽軍及弓刀寶
纓絡迦沒路國獻異物拜上地圖請老子象玄策執阿羅
那順獻闕下有司告宗廟帝曰夫人耳目玩聲色口鼻耽
臭味此敗德之原也婆羅門不劫吾使者寧至俘虜邪擢
玄策朝散大夫得方士那邏邇娑婆寐自言壽二百歲有
不死術帝改館使治丹命兵部尚書崔敦禮護視使者馳
天下采怪藥異石又使者走婆羅門諸國所謂畔茶法水
者出石臼中有石象人守之水有七種色或熱或冷能銷
草木金鐵人手入輒爛以橐它髑髏轉注瓠中有樹名咀
賴羅葉如梨生窮山崖腹前有巨虺守穴不可到欲取葉

者以方鏃矢射枝則落爲群鳥銜去則又射乃得之其詭
譎類如此後術不驗有詔聽還不能去死長安高宗時盧
伽逸多者東天竺烏茶人亦以術進拜懷化大將軍乾封
三年五天竺皆來朝開元時中天竺遣使者三至南天竺
一獻五色能言鳥乞師討大食吐蕃丐名其軍玄宗詔賜
懷德軍使者曰蕃夷惟以袍帶爲寵帝以錦袍金革帶魚
袋并七事賜之北天竺一來朝
摩揭它一曰摩伽陀本中天竺屬國環五十里土沃宜稼
穡有異稻巨粒號供大人米王居拘闍揭羅布羅城或曰
俱蘇摩補羅曰波吒釐子城北瀕疏伽河貞觀二十一年

始遣使者自通于天子獻波羅樹樹類白楊太宗遣使取熬糖法即詔揚州上諸蔗柝潘如其劑色味愈西域遠甚高宗又遣王玄策至其國摩訶菩提祠立碑焉後德宗自製鍾銘賜那爛陀祠又有那揭者亦屬國也貞觀二十年遣使者貢方物烏茶者一曰烏伏那亦曰烏萇直天竺南地廣五千里東距勃律六百里西屬賓四百里山谷相屬產金鐵蒲萄鬱金稻歲熟人柔詐善禁架術國無殺刑抵死者放之窮山罪有疑飲以藥視溲清濁而決輕重有五城王居術魯蘖利城一曰魯揭釐城東并有達麗羅川即烏萇舊地貞觀十六年其王達摩因施訶斯遣使者獻龍

腦香璽書優谷大食與烏萇東鄙接開元中數誘之其王與骨咄俱位一王不肯臣玄宗命使者冊爲王章求拔國或曰章揭拔本西羌種居悉立西南四山中後徙山西與東天竺接衣服略相類因附之地袤八九百里勝兵二千人無城郭好鈔曩商族患之貞觀二十年其王羅利多善伽因悉立國遣使者入朝玄策之討中天竺發兵來赴有功由是職貢不絕悉立當吐蕃西南戶五萬城邑多旁澗谿男子繪束頭衣擅褐婦人辮髮短裙昏姻不以財聘其穀宜杭稻麥豆死者葬于野不封樹喪制爲黑衣滿年而除刑有刑劓常羈屬吐蕃

罽賓隋漕國也居葱嶺南距京師萬二千里而羸南距舍
衛二千里王居脩鮮城常役屬大月氏地暑濕人乘象俗
治浮屠法武德二年遣使貢寶帶金鎖水精酸頗黎狀若
酸棗貞觀中獻名馬太宗語大臣曰朕始即位或言天子
欲耀兵振伏四夷惟魏徵勸我脩文德安中夏中夏安遠
人伏矣今天下大安四夷君長皆來獻此微力也遣果毅
何處羅拔等厚齎賜其國拜撫尉天竺處羅拔至罽賓王
東向稽顙再拜仍遣人導護使者至天竺十六年獻褥特
鼠豕尖尾赤能食蛇螫者嗅且尿瘡即愈國人共傳王始
祖曰馨孛至曷擯支傳十二世顯慶三年以其地爲脩鮮
都督府神龍初拜其王修鮮等十一州諸軍事修鮮都督
開元七年遣使獻天文及秘方奇藥天子冊其王爲葛邏
達支特勒後烏散特勒灑年老請以子拂秣罽婆嗣聽之
天寶四載冊其子勃匄準爲襲罽賓及烏菴國王乾元初
使者朝貢

西域列傳第一百四十六上

西域列傳第一百四十六上



西域列傳第一百四十六下 唐書二百二十一

宋人祁奉 敕撰

康者一曰薩末韃亦曰颯秣達元魏所謂悉萬斤者其南

距史者五十里西北距西曹百餘里東南屬米百里北中

曹五十里在那密水南大城三十小堡三百君姓温本月

氏人始居祁連北昭武城為突厥所破稍南依葱嶺即有

其地技庶分王曰安曰曹曰石曰米曰何曰火尋曰戊地

曰史世謂九姓皆氏昭武士沃宜禾出善馬兵彊諸國人

嗜酒好歌舞下道王帽氈飾金雜寶女子盤髻幪黑巾綴

金釵為生兒以石密啖之置膠於掌欲長而其言持瑤若黏

云習勞行書善商賈好利丈夫年二十去傍國利所在無
不至以十二月爲歲首尚浮圖法祠祇神出機巧技十一
月鼓舞乞寒以水交潑爲樂隋時其王屈木支娶西突厥
女遂臣突厥武德十年始遣使來獻貞觀五年遂請臣太
宗曰朕惡取虛名害百姓且康臣我緩急當同其憂師行
萬里寧朕志邪卻不受俄又遣使獻師子獸帝珍其遠命
秘書監虞世南作賦自是歲入貢致金桃銀桃詔令植苑
中高宗永徽時以其地爲康居都督府即授其王拂呼纒
爲都督萬歲通天中以大首領篤娑鉢提爲王死子泥涅
師師立死國人立突昏爲王開元初貢鎖子鎧水精栝瑪

磁瓶駝鳥卵及越諾侏儒胡旋女子其王烏勒伽與大食
亟戰不勝來乞師天子不許久之請封其子咄曷爲曹王
默啜爲米王詔許烏勒伽死遣使立咄曷封欽化王以其
毋可敦爲郡天大安者一曰布豁又曰捕喝元魏謂怛蜜
者東北至東安西南至畢皆百里所西瀕烏澣河治阿濫
謐城即康居小君長罽王故地大城四十小堡千餘募勇
健者爲柘羯柘羯者猶中國言戰士也武德時遣使入朝
貞觀初獻方物太宗厚慰其使曰西突厥已降商旅可行
矣諸胡大悅其王訶陵迦又獻名馬自言一姓相承二十
三世云是歲東安國亦入獻言子姓相承十世云東安或

曰小國曰喝汗在那密水之陽東距河二百里許西南至
大安四百里治喝汗城亦曰襲斤大城二十小堡百顯慶
時以阿濫爲安息州卽以其王昭武殺爲刺史襲斤爲木
鹿州以其王昭武閉息爲刺史開元十四年其王篤薩波
提遣弟阿悉爛達拂耽發黎來朝納馬豹後八年獻波斯
驪二拂菻繡毬一鬱金香石蜜等其妻可敦獻拓辟大
毬二繡毬一丐賜袍帶鎧仗及可敦袿褊裝澤東曹
或曰率都沙那蘇對沙那劫布咀那蘇都識匿凡四名居
波悉山之陰漢貳師城地也東北距俱戰提二百里北至
石西至東康北寧遠皆四百里許南至吐火羅五百里有

野文城城有巨窟巖以關鑰歲再祭人向窟立中卽煙出
先觸者死武德中與康同遣使入朝其使曰本國以臣爲
徒兒聞秦王神武欲隸麾下高祖大悅西曹者隋時曹也
南接史及波覽治瑟底痕城東北越于底城有得悉神祠
國人事之有金具器款其左曰漢時天子所賜武德中入
朝天寶元年王哥邏僕羅遣使者獻方物詔封懷德王卽
上言祖考以來奉天可汗願同唐人受調發佐天子征討
十一載東曹王設阿忽與安王請擊黑衣大食玄宗尉之
不聽中曹者居西曹東康之北王治迦底真城其人長大
工戰鬪石或曰拓支曰拓折曰赭時漢大宛北鄙也去京

師九千里東北距西突厥西北波臘南二百里所抵俱戰
提西南五百里康也圓十餘里右涯素葉河王姓石治拓
折城故康君小王統匿城地西南有藥殺水入中國謂之
真珠河亦曰質河東南有大山生瑟瑟俗善戰多良馬隋
大業初西突厥殺其王以特勒訇職統其國武德貞觀間
數獻方物顯慶三年以嗽羯城爲大宛都督府授其王瞰
土屯攝舍提於屈昭穆都督開元初封其君莫賀咄吐屯
有功爲石國王二十八年又冊順義王明年王伊捺吐屯
屈勒上言今突厥已屬天可汗惟大食爲諸國患請討之
天子不許天寶初封王子那俱車鼻施爲懷化王賜鐵券

义之安西節度使高仙芝劾其無蕃臣禮請討之王約降
仙芝遣使者護送至開遠門俘以獻斬闕下於是西域皆
怨王子走大食乞兵攻怛邏斯城敗仙芝軍自是臣大食
實應時遣使朝貢有碎葉者出安西南地千里所得勃達
嶺南抵中國北突騎施南鄙也西南至葱嶺羸二千里水
南流者經中國入于海北流者經胡入于海北三日行度
雪海春夏常兩雪繇勃達嶺北行羸千里得細葉川東曰
熱海地寒不凍西有碎葉城天寶七載北庭節度使王正
見伐安西毀之川長千里有異姓突厥兵數萬耕者皆擐
甲相掠爲奴婢西屬怛邏斯城石常分兵鎮之自此抵西

海矣三月訖九月未嘗雨人以雪水溉田及東南千餘里有怖悍者山四環之地膏腴多馬羊西千里距堵利瑟那東臨葉葉水水出葱嶺北原色濁西北流入大磧無水草望大山尋遺鬻知所指五百餘里即康也米或曰彌末曰弭秣賀北百里距康其君治鉢息德城永徽時爲大食所破顯慶三年以其地爲南謚州授其君昭武開拙爲刺史自是朝貢不絕開元時獻璧舞筵師子胡旋女十八年大首領末野門來朝天寶初封其君爲恭順王母可敦郡夫人何或曰屈霜你迦曰貴霜匿即康居小王附墨城故地城左有重樓北繪中華古帝東突厥婆羅門西波斯拂菻等諸王其君且詣拜則退貞觀十五年遣使者入朝永徽時上言聞唐出師西討願輸糧于軍俄以其地爲貴霜州授其君昭武婆達地刺史遣使者鉢底失入謝火尋或曰貨利習彌曰過利居烏滸水之陽東南六百里距戊地西南與波斯接西北抵突厥曷薩乃康居小王奧韃城故地其君治急多颶遮城諸胡惟其國有車牛商賈乘以行諸國天寶十年君稍施芬遣使者朝獻黑鹽寶應時復入朝史或曰佉沙曰羯霜那居獨莫水南康居小王蘇薤城故地西百五十里距那色波北二百里屬米南四百里吐火羅也有鐵門山左右巉峭石色如鐵爲關以限二國以金

錮闔城有神祠每祭必千羊用兵類先禱乃行國有城五百隋大業中其君狄遮始通中國號最強盛築乞史城地方數千里貞觀十六年君沙瑟畢獻方物顯慶時以其地爲佉沙州授君昭武失阿喝刺史開元十五年君忍必多獻舞女文豹後君長數死立然首領時時入朝天寶中詔改史爲來威國那色波亦曰小史蓋爲史所役屬居吐火羅故地東阨葱嶺西接波刺斯南雪山循總藹水北有咀蜜種亦自國東西六百里所又東踰四種有鑊沙者廣三百里長五百里東界骨咄接葱嶺有十八種南有揭職稍大幅員準千里陵阜連屬多救麥氣寒烈東南抵雪山六

百里道吐火羅又踰五種至婆羅覩邏北踰山行六百里得烏菴種東北行二百里至河波羅水水西南流春夏涸凍北歷十二種有婆羅吸摩補羅最大種絛地四千里山周其外土沃產鍤水精北大雪山卽東女也歷十九種得摩揭陀又東過四種踰大河有迦摩縷波皆阪險地接西南夷其人類蠻獠行二月叩蜀南邊其東南野象羣梟故戰用象軍又南歷三十二種有狼揭羅者地大數千里其君治宰菟黎濕伐羅城西北卽波刺斯傳言廣萬里王治蘇刺薩儻那城土溫溽引水爲田人富饒出金銀水精多工巧織錦褐氍毹產善馬橐它人服錦氍賦稅口出四銀

錢又以交易西北距拂菻西南際海島有西女種皆女子
多珍貨附拂菻拂菻君長歲遣男子配焉俗產男不舉又
有臂多勢羅四種西北踰大山廣川歷小城聚行二千里
即謝颯也北五百里有弗栗恃薩儻那地橫二千里縱千
里其君突厥種治護苾那城東北大雪山盛夏常凍鑿冰
乃可度下有安咀羅縛者地三千里西北踰嶺四百里有
闊悉多西北三百里有活種大二千里此三種皆居吐火
羅故地臣于突厥君亦突厥種主鐵門南諸戎遷徙不常
東又有七種東南峽道險甚無慮三百里得俱蘭東北山
行五百里即護密北識匿也南有商彌地大二千里而羸

多蒲陶生雌黃鑿石乃得東北踰山七百里至波讎羅川
東西千里南北百里春夏雨雪南有鉢露種多紫金行五
百里有揭盤陀東行八百里出葱嶺又八百里至烏鍛環
千里出白鷲青三種玉君長世巨揭盤陀北徑磧曠野五
百里得疏勒東南五百里濟徒多水踰大沙嶺有斫句迦
種或曰沮渠地千里東踰嶺八百里即于闐也東有媿摩
川度磧行二百里得尼壤城在大澤中地墊如蘆葦荒茂
行者鑿道趣城通于闐而于闐以為東關又東行入大流
沙人行無跡故往返輒迷聚遺骸以識道無水草多熱風
觸人及六畜皆迷仆行四百里至故都邏又六百里至故

折摩馱那古且末也又千里至故納縛波古樓蘭也自咀
蜜以下諸種相與羣聚華人皆以國名之故未嘗與唐通
傳記雜詭不可得而考然其地與諸國相連屬粗序其名
云
寧遠者本拔汗那或曰鑠汗元魏時謂破洛那去京師八
千里居西韃城在真珠河之北有大城六小城百人多壽
其王自魏晉相承不絕每元日王及首領判二朋朋出一
人被甲鬪衆以瓦石相之有死者止以卜歲善惡貞觀中
王契苾爲西突厥瞰莫賀咄所殺阿瑟那鼠匿奪其城鼠
匿死子遏波之立契苾兄子呵了參爲王治呼悶城遏波

之治渴塞城顯慶初遏波之遣使朝貢高宗厚尉諭三年
以渴塞城爲休循州都督授阿了參刺史自是歲朝貢玄
宗開元二十七年王阿悉爛達干助平吐火仙冊拜奉化
王天寶三載改其國號寧遠帝以外家姓賜其王曰寶又
封宗室女爲和義公主降之十三載王忠節遣子薛裕朝
請留宿衛習華禮聽之授左武衛將軍其事唐最謹
大勃律或曰布露直吐蕃西與小勃律接西鄰北天竺烏
耆地宜鬱金役屬吐蕃萬歲通天逮開元時三遣使者朝
故冊其君蘇弗舍利支離泥爲王死又冊蘇麟陀逸之嗣
王凡再遣大首領貢方物小勃律去京師九千里而羸東

唐書列傳百四十一
少南三千里距吐蕃贊普牙東八百里屬烏蕞東南三百里大勃律南五百里箇失密北五百里當護密之娑勒城王居孽多城臨娑夷水其西山巔有大城曰迦布羅開元初王沒謹忙來朝玄宗以兒子畜之以其地爲綏遠軍國迫吐蕃數爲所困吐蕃曰我非謀爾國假道攻四鎮爾久之吐蕃奪其九城沒謹忙求救北廷節度使張孝嵩遣疏勒副使張思禮率銳兵四千倍道往沒謹忙因出兵大破吐蕃殺其衆數萬復九城詔冊爲小勃律王遣大首領察卓那斯摩沒勝入謝沒謹忙死子難泥立死兄麻來兮立死蘇失利之立爲吐蕃陰誘妻以女故西北二十餘國皆臣

吐蕃貢獻不入安西都護三討之無功天寶六載詔副都護高仙芝伐之前遣將軍席元慶馳千騎見蘇失利之曰請假道趨大勃律城中大酋五六皆吐蕃腹心仙芝約元慶吾兵到必走山出詔書召憫賜繒綵縛首領待我元慶如約蘇失利之挾妻走不得其處仙芝至斬爲吐蕃者斷娑夷橋是暮吐蕃至不能救仙芝約王降遂平其國於是拂菻大食諸胡七十二國皆震恐咸歸附執小勃律王及妻歸京師詔改其國號歸仁置歸仁軍募千人鎮之帝赦蘇失利之不誅授右威衛將軍賜紫袍黃金帶使宿衛吐火羅或曰吐豁羅曰覩貨邏元魏謂吐呼羅者居葱嶺

西烏滸河之南古大夏地與挹怛雜處勝兵十萬國土著
少女多男北有頗黎山其陽穴中有神馬國人游牧牝于
側生駒輒汗血其王號葉護武德貞觀時再入獻未徵元
年獻大鳥高七尺色黑足類橐駝翅而行日三百里能噉
鐵俗謂駝鳥顯慶中以其阿緩城爲月氏都督府析小城
爲二十四州授王阿史那都督後二年遣子來朝俄又獻
碼磔鐙樹高三尺神龍元年王那都泥利遣弟僕羅入朝
留宿衛開元天寶間數獻馬驥異藥乾陀婆羅二百品紅
碧玻璃乃冊其君骨咄祿頓達度爲吐火羅葉護挹怛王
其後鄰胡羯師謀引吐蕃攻吐火羅於是葉護失里忙伽

出蟲以愈目皆土多金銀夜光瑩明月珠大貝車磔碼磔
木難孔翠虎魄織水羊毛爲布曰海西布海中有珊瑚洲
海人乘大船墮鐵網水底珊瑚初生磐石上白如菌一歲
而黃三歲赤枝格交錯高二四尺鐵發其根繫網船上絞
而出之失時不取即瘖西海有市貿易不相見置直物旁
名鬼市有獸名贊大如狗其意而力此邑有半生土中臍
屬地割必死俗介焉而苦其苦以驚之羔臍絕即逐水草
不能羣貞觀十七年王那都泥利遣使獻赤玻璃綠金精下
詔答賚大食稍遠遣大將軍摩拂伐之拂蘇約和遂臣屬
乾封至大足再朝獻開元七年因吐火羅大會獻師于於

羊自拂蘇西南度磧二千里有國曰摩鄰曰老勃薩其人
黑而性悍地瘠瘠無草木五穀飼馬以犒魚人食鶻奔鶻
奔波斯粟也不耻蒸報於其狄最甚號曰尋其君臣七日
一休不出納交易飲以窮夜

大食本波斯地男子鼻高黑而髻女子白皙出輒鄣面日
五拜天神銀帶佩銀刀不飲酒樂有禮堂容數百人率
七日王高坐爲一說曰死敵者天上殺敵授福故俗勇
于鬪土饒礫不可耕獵而食肉刻石蜜爲廬如輦狀歲獻
貴人蒲萄大者如雞卵有千里馬傳爲龍種隋大業中有
波斯國人牧于俱紛摩地那山有獸言曰山西三穴有利

那居斯卑莫運山之旁西北與護時捷接東南距罽賓西
南訶達羅支與吐火羅連境地寒人穴處王治羅爛城有
大城四丘水北流入烏滸河貞觀初遣使者入朝顯慶三
年以羅爛城爲寫鳳都督府縛時城爲悉萬州授王葡寫
鳳州都督管内五州諸軍事自是朝貢不絕石汗那或曰
斫汗那自縛底野南入雪山行四百里得帆延東臨烏滸
河多赤豹開元天寶中一再朝獻

識匿或曰尸棄尼曰瑟匿東南直京師九千里東五百里
距葱嶺守捉所南三百里屬護密西北五百里抵俱蜜初
治苦汗城後散居山谷有大谷五茵長自爲治謂之五識

唐傳卷之六十一
一
匿地二千里無五穀人喜攻剽劫商賈播蜜川四谷稍不用王號令俗窟室貞觀二十年與似沒役槃二國使者偕來朝開元十二年授王布遮波資金吾衛大將軍天寶六載王跌失伽延從討勃律戰死擢其子都督左武衛將軍給祿居蕃似沒者北接石土俗與康同役槃亦與康隣出良馬俱蜜者治山中在吐火羅東北南臨黑河其王突厥延陀種貞觀十六年遣使者入朝開元中獻胡旋舞女其王那羅延頗言爲太食暴賦天子但尉遣而已天寶時王伊悉爛俟斤又獻馬護蜜者或曰達摩悉鐵帝曰鑊伽元魏所謂鉢和者亦吐火羅故地東南直京師九千里而

橫千六百里縱狹纔四五里王居寒迦審城北臨烏澣河地寒洳堆阜曲折沙石流漫有豆麥宜木果山善馬人碧瞳顯慶時以地爲烏飛州王沙鉢羅頡利發爲刺史地當四鎮入吐火羅道故役屬吐蕃開元八年冊其王羅旅伊陀骨咄祿多毗勒莫賀達摩薩爾爲王十六年與米首領米忽汗同獻方物明年大首烏鶻達干復朝王死冊其從弟護真檀嗣王二十九年身入朝宴內殿拜左金吾衛將軍賜紫袍金帶天寶初王子頡吉匐請絕吐蕃賜鐵券八載真檀來朝請宿衛詔可授右武衛將軍久乃遣又遣首領朝貢乾元元年王紇設伊俱鼻施來朝賜氏李

箇失蜜或曰迦濕彌邏北距勃律五百里環地四千里山
回繚之他國無能攻伐王治撥邏勿邏布邏城西瀕彌那
悉多大河地宜稼多雪不風出火珠鬱金龍種馬俗毛褐
世傳地本龍池龍徙水竭故往居之開元初遣使者朝八
年詔冊其王真陀羅祕利爲王間獻胡藥天木死弟木多
筆立遣使者物理多來朝且言有國以來並臣天可汗受
調發國有象馬步三種兵六臣身與中天竺王阇吐蕃五大
道禁出入戰輒勝有如天可汗兵至勃律者雖衆二十萬
能輸糧以助又國有摩訶波多磨龍池願爲天可汗營祠
因丐王冊鴻臚譯以聞詔丙物理多宴中殿賜賚優備冊

木多筆爲王自是職貢有常其役屬五種亦名國所謂咀
叉始羅者地二千里有都城東南餘七百里得僧訶補羅
地三千餘里亦治都城東南山行五百里得烏刺尸地二
千里有都城宜稼稽東南限山千里即箇失蜜西南行險
七百里得半斂蹉地二千里又得曷邏闐補羅者其大四
千里有都城多山阜人驍勇五種皆無君長云

骨咄或曰珂咄羅廣長皆千里王治思助建城多良馬赤
豹有四大鹽山山出烏鹽開元十七年王侯斤遣子骨都
施來朝二十一年王頡利發獻女樂又遣大首領多博勒
達于朝貢天寶十一載冊其王羅金節爲葉護

蘇毗本西羌族爲吐蕃所并號孫波在諸部最大東與多
彌接西距鶻莽破戶三萬天寶中王沒陵贊欲舉國內附
爲吐蕃所殺子悉諾率首領奔隴右節度使歌舒翰護送
闕下玄宗厚禮之多彌亦西羌族役屬吐蕃號難磨濱犁
牛河土多黃金貞觀六年遣使者朝貢賜遣之伊吾城者
漢宜禾都尉所治商胡雜居勝兵千附鐵勒人驍悍土良
沃隋末內屬置伊吾郡天下亂復臣突厥貞觀四年城酋
來朝頡利滅舉七城降列其地爲西伊州

師子居西南海中延袤二千餘里有稜伽山多奇寶以寶
置洲上商舶償直輒取去後隣國人稍往居之能馴養師

子因以名國總章三年遣使百來朝天寶初王尸羅迷迦
再遣使獻大珠鉿金寶璣象齒白氍

波斯居達遏水西距京師萬五千里而羸東與吐火羅康
接北鄰突厥可薩部西南皆限海西北羸四千里拂菻也
人數十萬其先波斯匿王大月氏別裔王因以姓又爲國
號治二城有大城十餘俗尊右下左祠天地日月水火祠
夕以麝揉蘇澤醃頭鼻耳西城諸胡受其法以祠扶拜必
交股俗徒跣丈夫冠髮衣不割襟青曰爲巾帔綠曰錦婦
辨髮著後戴素囊一象士百人員則盡殺斷罪不爲文書
決於廷叛者盡殺之古者白爲直黑爲曲刑有死則則

小罪形或系木于垣以時月而置劫盜囚終老偷者輸銀
錢凡死棄于山版圖月除氣常歎熱地莫漫知耕種畜牧
有鷺鳥能數年多其大驢大驢產稠高不三尺隋末西
突厥葉護可汗討其國殺王庫婁和其子施利之葉護
使部帥監統施利死遂不肯臣立庫婁和女爲王突厥又
殺之施利之子單羯方奔拂菻國人迎立之是爲伊怛支
死兄子伊嗣俟立貞觀十二年遣使者沒似半朝貢又獻
活褥蛇狀類鼠色正青長九寸能捕穴鼠伊嗣俟不君爲
大酋所逐奔吐火羅半遣大食擊殺之于甲路斯入吐火
羅以免遣使者告其酋宗以之還不可帥謝遣會大食解而

去吐火羅以兵納之龍朔初又訴爲大食所侵是時天子
方遣使者到西域分置州縣以疾陵城爲波斯都督府即
拜甲路斯爲都督俄爲大食所滅雖不能國咸亨中猶入
朝授右武衛將軍死始其子泥涅師爲質調露元年詔裴
行儉將兵護還將復王其國以道遠至安西碎葉行儉還
泥涅師因客吐火羅二十年部落益離散景龍初復來朝
授左威衛將軍病死西部獨存開元天寶間遣使者十輩
獻碼碯牀火毛繡舞筵乾元初從大食襲廣州焚倉庫廬
舍浮海走大曆時復來獻又有陀拔斯單者或曰陀拔薩
憚其國二面阻山北瀕小海居婆里城世爲波斯東大將

波斯滅不肯臣大食天寶五載王忽魯汗遣使入朝封爲
歸信王後八年遣子自會羅來朝拜右武衛員外中郎將
賜紫袍金魚留宿衛爲黑衣大食所滅貞觀後遠小國君
遣使者來朝獻有司未嘗參考本末者今附之左方曰火
辭彌與波斯接貞觀十八年與摩羅游使者偕朝二十一
年有健達王獻佛土菜莖五葉赤華紫須龍朔元年多福
王難婆脩疆宜說遣使者來朝總章元年有末陀提王開
元五年有習阿薩般王安殺並遣使者朝貢七年訶毗施
王捺塞因吐火羅大酋羅摩獻師子五色鸚鵡天寶時來
朝者曰俱爛那曰舍摩曰威遠曰蘇吉利發屋蘭曰蘇利

悉畢曰建城曰新城曰俱立元八國俱位或曰商彌治阿
賒颶師多城在大雪山勃律河北地寒有五穀蒲萄若榴
冬窟室國人常助小勃律爲中國候新城之國在石東北
羸百里有弩室羯城亦曰新城曰小石國城後爲葛邏祿
所并

拂菻古大秦也居西海上曰海西國去京師四萬里在
苦西北直突厥可薩部西瀕海有遲散城東南接波斯地
方萬里城四百勝兵百萬十里一亭三亭一置臣役小國
數十以名通者曰澤散曰驢分澤散直東北不得其道里
東度海二千里至驢分國重石爲都城廣八十里東門高

二十丈釵以黃金王宮有三襲門皆飾異寶中門中有金
巨稱一作金人立其端屬十二丸率時改一九落以瑟瑟
爲殿柱水精琉璃爲椀香木梁黃金爲地象牙闔有貴臣
十二共治國王出一人挈囊以從有訟書投囊中還省枉
直國有大災異輒廢王更立賢者王冠如鳥翼綴珠衣錦
繡前無襟坐金薦榻側有鳥如鶯綠毛上食有毒輒鳴無
陶瓦屋白石墜屋堅潤如玉盛暑引水上流氣爲風男子
剪髮衣繡右袒而帔乘輜軒白蓋小車出入建旌旗擊鼓
婦人錦巾家貲億萬者爲上官俗喜酒嗜乾餅多幻人能
餐火乎頰手爲江湖口幡耗舉足墮珠玉有善醫能開腦

出蟲以愈目青土多金銀夜光璧明月珠大貝車磔碼礪
木難孔翠虎魄織水羊毛爲布曰海西布海中有珊瑚洲
海人乘大舶墮鐵網水底珊瑚初生磐石上白如菌一歲
而黃三歲赤枝格交錯高三四尺鐵發其根繫網舶上絞
而出之失時不取即腐西海有市貿易不相見置直物旁
名鬼市有獸名贖大如狗獷惡而力北邑有羊生土中臍
屬地割必死俗介馬而走擊鼓以驚之羔臍絕即逐水草
不能羣貞觀十七年王波多力遣使獻赤玻璃綠金精下
詔荅賚大食稍疆遣大將軍摩拽伐之拂菻約和遂臣屬
乾封至大足再朝獻開元七年因吐火羅大會獻師子狝

羊自拂秣西南度磧二千里有國曰磨鄰曰老勃薩其人黑而性悍地瘴癘無草木五穀飼馬以槁魚人食鶻莽鶻莽波斯棗也不耻烝報於夷狄最甚號曰尋其君臣七日一休不出納交易飲以窮夜

大食本波斯地男子鼻高黑而髯女子白皙出輒鄣面日五拜天神銀帶佩銀刀不飲酒舉樂有禮堂容數百人率七日王高坐爲下說曰死敵者生天上殺敵授福故俗勇于鬪土饒磔不可耕獵而食肉刻石蜜爲廬如舉狀歲獻貴人蒲萄大者如雞卵有千里馬傳爲龍種隋大業中有波斯國人牧于俱紛摩地那山有獸言曰山西三穴有利

兵黑石而白文得之者王走視如言石文言當反乃詭衆哀亡命於恒曷水劫商旅保西鄙自王移黑石寶之國人往討之皆大敗還於是遂疆滅波斯破拂秣始有粟麥倉庾南侵婆羅門并諸國勝兵至四十萬康 皆往臣之其地廣萬里東距突騎施西南屬海海中有撥拔力種無所附屬不生五穀食肉刺牛血和乳飲之俗無衣服以羊皮自蔽婦人明皙而麗多象牙及阿末香波斯賈人欲往市必數千人納氈劓血誓乃交易兵多牙角而有弓矢鎧稍士至二十萬數爲大食所破略永徽二年大食王敝密莫末臧始遣使者朝貢自言王大食氏有國三十四年傳二

世開元初復遣使獻馬鈿帶謁見不拜有司將劾之中書
令張說謂殊俗慕義不可寘于罪玄宗赦之使者又來辭
曰國人止拜天見王無拜也有司切責乃拜十四年遣使
蘇黎滿獻方物拜果毅賜緋袍帶或曰大食族中有孤列
種世酋長號白衣大食種有二姓一曰盆尼末換二曰奚
深有摩訶末者勇而智衆立爲主闢地三千里克夏臘城
傳十四世至末換殺兄伊疾自王下怨其忍有呼羅珊木
鹿人竝波悉林將討之狗衆曰助我者皆黑衣俄而衆數
萬即殺末換求奚深種孫阿蒲羅拔爲王更號黑衣大食
蒲羅死弟阿蒲恭拂立至德初遣使者朝貢代宗取其兵

平兩京阿蒲恭拂死子迷地立死弟訶論立貞元時與吐
蕃相攻吐蕃歲西師故鮮盜邊十四年遣使者含差烏雞
沙北三人朝皆拜中郎將賚遣之傳言其國西南二千里
山谷間有木生花如人首與語輒笑則落東有末祿小國
也治城郭多木姓以五月爲歲首以畫缸相獻有尋支瓜
大者十人食乃盡蔬有顆葱葛藍軍達菱薤大食之西有
苦者亦自國北距突厥可薩部地數千里有五節度勝兵
萬人土多禾有大川東流入亞俱羅商賈往來相望云自
大食四十五日行得都盤西距羅刹支十五日行南即大
食二十五日行北勃達一月行勃達之東距大食二月行

西抵岐蘭二十日行南都盤北大食皆一月行岐蘭之東
南二十日行得阿沒或曰阿昧東南距陀拔斯十五日行
南沙蘭一月行北距海二日行居你訶温多城宜馬羊俗
柔寬故大食常游牧於此沙蘭東距羅利支北怛滿皆二
十日行西即大食二十五日行羅利支東距都盤北陀拔
斯皆十五日行西沙蘭二十日行南大食二十五日行怛
滿或曰怛沒東陀拔斯南大食皆一月行北岐蘭二十日
行西即大食一月行居烏許河北平川中獸多師子西北
與史接以鐵關爲限天寶六載都盤等六國皆遣使者入
朝乃封都盤王謀思健摩訶延曰順化王勃達王摩訶澁
曰奉順王

斯曰守義王阿沒王俱那胡設曰恭信王沙蘭王卑路斯
威曰順禮王羅利支王伊思俱習曰義寧王怛滿王謝沒
曰奉順王
贊曰西方之戎古未嘗通中國至漢始載烏孫諸國後以
名字見者浸多唐興以次脩貢蓋百餘皆冒萬里而至亦
已勤矣然中國有報贈冊帛程糧傳驛之費東至高麗南
至真臘西至波斯吐蕃堅昆北至突厥契丹靺鞨謂之八
蕃其外謂之絕域視地遠近而給費開元盛時稅西域商
胡以供四鎮出北道者納賦輪臺地廣則費倍此盛王之
鑿也

西域列傳第一百四十六下

南蠻列傳第一百四十七上

唐書二百二十二上

宋 杜 奉 敕 撰

南詔或曰鶴拓曰龍尾曰直羊曰陽劔本哀牢夷後烏蠻
 別種也夷語王為師其先渠帥有六自號六詔曰蒙嵩詔
 越祈詔浪穹詔遲跋詔施浪詔蒙舍詔兵將不能相君蜀
 諸葛亮討定之蒙舍詔在諸部南故稱南詔居永昌姚州
 之間鐵橋之南東距蒙東南屬交趾西摩伽陀西北與吐
 蕃接南女王西南屬北抵益州東北際黔巫王都羊苴咩
 城別都曰善闡府王坐東徭其臣有所陳以狀言而不稱
 臣王自稱曰元猶朕也謂其下曰殺猶卿爾也官曰坦特

曰布燮曰文贊謂之清平官所以決國事雖重猶虛宰相也曰會望曰正會望曰員外會望曰大軍將曰員外猶試官也尊喪主兵參喪主尸籍慈喪主禮賓喪主刑罰喪主官人厥喪主工師萬喪主財用引喪主客禾喪主商賈皆清平官會望大軍將兼之喪猶言省也督喪總三省也乞託主馬祿託主牛巨託主倉廩亦清平官會望大軍將兼之曰喪會曰彌勤曰勤齊掌賦稅曰兵儒司掌機密大府主將曰演習副曰演覽中府主將曰繕齋副曰繕覽下府主將曰澹會副曰澹覽小府主將曰幕撫副曰幕覽府有陀會若管記有陀西若判官大抵如此凡調發下文書

邑必占其期百家有總佐一千家有治人官一萬家有都督一凡田五畝曰雙上官授田四十雙上戶三十雙以是而差壯者皆為戰卒有馬為騎軍人歲給草衫袴以邑落遠近分四軍以旗幟別四方面一將統千人四軍置一將凡敵入境以所入面將禦之王親兵曰朱弩佉直佉直臺帶也擇鄉兵為四軍羅直子戴朱鞬整負犀革銅盾而跣走險如飛白人置羅直子統一人望直蠻者在蘭倉江西男女勇捷不鞍而騎善用矛劍短甲蔽胷腹鞬整皆插貓牛尾馳突若神凡兵出以望直子前驅以清平子弟為羽儀王左右有羽儀長八人清平官見王不得佩劍唯羽

儀長佩之爲親信有六曹長曹長有功補大軍將大軍將
十二與清平官等列日議事其所出治軍壁稱節度次補
清平官有內筭官代王裁處外筭官記王所處分以付六
曹外則有六節度曰弄揀永昌銀生劔川柘東麗水有二
都督會川通海有十臉夷語臉若州曰雲南臉白崖臉亦
曰勃弄臉品澹臉邊川臉蒙舍臉大釐臉亦曰史臉直呀
臉亦曰陽臉蒙秦臉矣和臉趙川臉祁鮮山之西多瘴歎
地平草冬不枯自曲靖州至滇池人水耕食蠶以柘蠶生
閱二旬而蠶織錦縑精緻大和祁鮮而西人不蠶剖波羅
樹實狀若絮紐縷而幅之覽臉并產鹽最鮮白惟王得食

取足輒滅竈昆明城諸井皆產鹽不征群蠻食之永昌之
西野桑生石上其材上屈兩向而下植取以爲弓不筋滕
而利名曰瞋弓長川諸山往往有金或披沙得之麗水多
金麩越睽之西多薦草產善馬世稱越睽駿始生若羔歲
中紐莎縻之飲以米潘七年可御日馳數百里王出建八
旗紫若青白旂雉翼二有旄鉞紫囊之翠蓋王母曰信麼
亦曰九麼妃曰進武信麼出亦建八旗絳旂自曹長以降
繫金佉苴尚絳紫有功加錦又有功加金波羅金波羅虎
皮也功小者衿背不袖次止于衿婦人不粉黛以蘇澤髮
貴者綾錦裙襦上施錦一幅以兩股辮爲髮髻耳綴珠貝

唐書卷一百四十七
三
瑟瑟虎魄女嫠婦與人亂不禁婚女私相送已嫁有姦者
皆抵死俗以寅爲正四時大抵與中國小差膾魚寸以胡
瓜椒菽和之號鵝關吹瓢笙笙四管酒至客前以笙推盞
勸酌以繒帛及貝布易貝者大若指十六枚爲一覓師行
人齋糧斗五升以二千五百人爲一營其法前傷者養治
後傷者斬犁田以一牛三天前挽中馱後驅然專于農無
貴賤皆耕不繇役人歲輸米二斗一藝者給田二收乃稅
王蒙氏父子以名相屬自舍左以來有譜次可考舍左生
獨邏亦曰細奴邏高宗時遣使者入朝賜錦袍細奴邏生
邏盛炎邏盛炎生炎閻武后時盛炎身入朝妻万娘生盛

邏皮喜曰我又育子雖死唐地足矣炎閻立死開元時弟
盛邏皮立生皮邏閻授特進封臺登郡王炎閻未有子時
以閻羅鳳爲嗣及生子還其宗而名承閻遂不改開元末
皮邏閻逐河蠻取太和城又襲大磴城守之因城龍口夷
語山坡陀爲和故謂大和以處閻羅鳳天子詔賜皮邏閻
名歸義當是時五詔徵歸義獨疆乃厚以利啖劍南節度
使王昱求合六詔爲一制可歸義已并群蠻遂破吐蕃寔
驕大入朝天子亦爲加禮又以破泐蠻功馳遣中人冊爲
雲南王賜錦袍金鈿帶七事於是徙治大和城天寶初遣
閻羅鳳子鳳迦異入宿衛拜鴻臚卿恩賜良異七載歸義

死閻羅鳳立襲王以其子鳳迦異爲陽瓜州刺史初安寧城有五鹽井人得煮鬻自給玄宗詔特進何履光以兵定南詔境取安寧城及井復立馬援銅柱乃還鮮于仲通領劔南節度使卞忿少方畧故事南詔嘗與妻子謂都督過雲南太守張虔陀私之多所求丐閻羅鳳不應虔陀數詬斬之陰表其罪由是忿怨反發兵攻虔陀殺之取姚州及小夷州凡三十二明年仲通自將出戎嵩州分二道進次曲州靖州閻羅鳳遣使者謝罪願還所虜得自新且城姚州如不聽則歸命吐蕃恐雲南非唐有仲通怒囚使者進薄白崖城大敗引還閻羅鳳歛戰背築京觀遂北臣吐蕃

吐蕃以爲弟夷謂弟鍾故稱贊普鍾給金印號東帝揭碑國門明不得已而叛嘗曰我上世世奉中國累封賞後嗣容歸之若唐使者至可指碑澡夜吾罪也會楊國忠以劔南節度當國乃調天下兵凡十萬使侍御史李宓討之輦餉者尚不在涉海而疫死相踵於道宓敗于大和城死者十八亦會安祿山反閻羅鳳因之取嵩州會同軍據清溪關以破越析梟丁贈西而降尋傳驃諸國尋傳蠻者俗無絲纊跣履榛棘不苦也射豪猪生食其肉戰以竹籠頭如兜鍪其西有裸蠻亦曰野蠻漫散山中無君長作檻舍以居男少女多無田農以木皮蔽形婦或十或五共養一男

子廣德初鳳迦異築柘東城諸葛亮石刻故在文曰碑卽
什蠻爲漢奴夷畏誓常以石堵堵大曆十四年閻羅鳳以
鳳迦異前死立其孫異牟尋以嗣異牟尋有智數善撫衆
畧知書毋李獨錦蠻女也獨錦蠻亦烏蠻種在秦藏川南
天寶中命其長爲歸州刺史世與南詔婚聘異牟尋立悉
衆二十萬人寇與吐蕃并力一趨茂州踰文川擾灌口一
趨扶文掠方維白墳一侵黎雅叩邛邽關令其下曰爲我
取蜀爲東府工伎悉送邏娑城歲賦一縑於是進陷城聚
人卒走山德宗發禁衛及幽州軍以援東川與山南兵合
大敗異牟尋衆斬首六千級附生捕傷甚衆顛踣厓峭且

十萬異牟尋懼更徙苴咩城在十五里吐蕃封爲日東
王然吐蕃責賦重數悉奪其險之營候歲索兵助防異牟
尋稍苦之故西瀘令鄭回者唐官也往嵩州破爲所虜閻
羅鳳重其惇儒號蠻利俾教子弟得筆榜故國中無不憚
後以爲清平官說異牟尋曰中國有禮義少求責非若吐
蕃怵刻無極也今棄之復歸唐無遠成勞利莫大此異牟
尋善之稍謀內附然未敢發亦會節度使韋皋撫諸蠻有
威惠諸蠻頗得異牟尋語白于皋時貞元四年也皋乃遣
謀者遺書吐蕃疑之因責大臣子爲質異牟尋愈怨後五
年乃決策遣使者三人異道同趨成都遣臯帛書曰異牟

尋世爲唐臣曩緣張虔陀志在吞懷中使者至不爲遣雲
舉部惶窘得生異計詳于仲通比年舉兵故自新無緣代
祖棄背吐蕃欺孤背約神川都督論訶舌使浪人利羅式
眩惑部姓發兵無時今十二年此一忍也天禍蕃廷降蒙
蕭墻太子弟兄流竄近臣橫汗皆尚結贊陰計以行屠害
平日功臣無一二在訶舌等皆冊封王小國奏請不令上
達此二忍也又遣訶舌逼城于鄯弊邑不堪利羅式私取
重賞部落皆驚此三忍也又利羅式罵使者曰滅子之將
非我其誰子所富當爲我有此四忍也今吐蕃委利羅式
甲士六十侍衛因知懷惡不謬此一難忍也吐蕃陰毒野

心輒懷搏噬有如媮生實汗辱先人辜負部落此二難忍
也往退渾王爲吐蕃所害孤遺受欺西山女王見奪其位
拓拔首領並蒙誅刈僕固志忠身亦喪亡每慮一朝亦被
此禍此三難忍也往朝廷降使招撫情心無二詔函信節
皆送蕃廷雖知中夏至仁業爲蕃臣吞聲無訴此四難忍
也會祖有寵先帝後嗣率蒙襲王人知禮樂本唐風化吐
蕃詐給百情懷惡相戚異牟尋願謁誠日新歸欵天子請
加戍劔南西山涇原等州安西鎮守揚兵四臨委回鶻諸
國所在侵掠使吐蕃勢分力散不能爲疆此西南隅不煩
天兵可以立功云且贈臯黃金丹砂臯護送使者京師使

者奏異牟尋詣歸天子爲唐藩輔獻金示順革丹赤心也
德宗嘉之賜以詔書命臯譴謀往覘臯令其屬崔佐時至
羊苴咩城時吐蕃使者多在陰戒佐時衣牂柯使者服以
入佐時曰我乃唐使者安得從小夷服異牟尋夜迎之設
位陳燎佐時即宣天子意異牟尋內畏吐蕃顧左右失色
流涕再拜受命使其子閻勸及清平官與佐時盟點蒼山
載書四一藏神祠石室一沈西洱水一置祖廟一以進天
子乃發兵攻吐蕃使者殺之刻金契以獻遣曹長段南羅
趙迦寬隨佐時入朝初吐蕃與回鶻戰殺傷甚乃調南詔
萬人異牟尋欲襲吐蕃陽示寡弱以三千人行許之即自

將數萬踵後晝夜行大破吐蕃於神
斷鐵橋溺死以
萬計俘其五王乃遣弟湊羅棟
官尹仇寬等二十七
人入獻地圖方物請復號南詔帝賜
有加拜仇寬左散
騎常侍封高溪郡王明年夏六月
吐蕃尋爲南詔王以
祠部郎中袁滋持節領使成都少
尹龐頡副之崔佐時爲
判官俱文珍爲宣慰使劉幽巖爲
判官賜黃金印文曰貞
元冊南詔印滋至大和城異牟尋
遣兄蒙細羅勿等以良
馬六十迎之金鑲二珂兵振鐸夾
路陳異牟尋金甲象虎
皮執雙鐸執矛千人衛大象十二
引于前騎軍徒軍以
次列詰旦授冊異牟尋率官屬北
面立宣慰使兼尚冊使

南向乃讀詔冊相者引異牟尋去位跽授冊即稽首再拜
又授賜服備物退曰開元天寶中其曾祖及祖皆蒙冊襲
王自此五十年貞元皇帝洗痕錄功復賜爵命子子孫孫永
爲唐臣因大會其下亭使者出銀平脫馬頭盤二謂滋曰
此天寶時先君以鴻臚少卿宿衛皇帝所賜也有笛工歌
女皆番白示滋曰此先君歸國時皇帝賜胡部龜茲音聲
二列今喪亡畧盡注二人故在酒行異牟尋坐奉觴泣前
滋授觴曰南詔當深思注考成業抱忠竭誠永爲西南藩
等使後嗣有以不絕注尋拜曰敢不承使者所命滋
還復遣清平官戶輔善注七人問天子獻鐸鞞派注鬱刀

生金瑟瑟牛黃琥珀氎紡絲象犀越睽統倫馬鐸鞞者狀
如殘刃有孔傍達出麗水飾以金所擊無不洞夷人尤寶
月以血祭之鬱刃鑄時以毒藥并治取迎躍如星者凡十
年乃成淬以馬血以金犀飾鐸首傷人即死浪人所鑄故
亦名浪劍王所佩者傳七世矣異牟尋攻吐蕃復取昆明
城以食鹽池又破施蠻順蠻並虜其王置白崖城因定磨
些蠻隸昆山西爨故地破茫蠻掠弄棟蠻漢裳蠻以實雲
南東北施蠻者在鐵橋西北居大施睽歛尋睽男子衣繒
布女分髮直額爲一髻垂後跣而衣皮順蠻本與施蠻雜
居劍共諸川咩羅皮鐸羅望旣失澄川浪穹奪劍共地由

是徙鐵橋在劔睽西北四百里號劔羌磨蠻些蠻與施順
二蠻皆烏蠻種居鐵橋大婆小婆三探覽昆池等川土多
牛羊俗不類澤男女衣皮俗好飲酒歌舞茫蠻本關南種
茫其君號也或呼茫詔永昌之南有茫天連茫吐薺大睽
茫昌茫鮓茫施大抵皆其種樓居無城郭或漆齒或金齒
衣青布短袴露髀以繒布繚腰出其餘垂後爲飾婦人披
五色婆羅籠象纜如牛養以耕弄棟繚白蠻種也其部本
居弄棟縣鄙地昔爲襄州有首領爲刺史誤殺其參軍挈
族北走後散居磨些江側故劔共諸川亦有之漢裳蠻本
漢人部種在鐵橋惟以朝霞纏頭餘尚同漢服十五年異

牟尋謀擊吐蕃以澄川寧北等城當寇路乃峭山深塹脩
戰備帝許出兵助力又請以大臣子弟質於臯臯辭固請
乃盡舍成都咸遣就學且言昆明嵩州與吐蕃接不先加
兵爲虜所脅反爲我患請臯圖之時唐兵比歲屯京西朔
方大峙糧欲南北並攻取故地然南方轉饑稽期兵不息
集是夏虜麥不熟度癘仍興贊普歿新君立臯揣虜未敢
動乃勸異牟尋緩舉萬全愈於速而無功今境上兵十倍
往歲且行營皆在嵩州扼西瀘吐蕃路昆明弄棟可以無
虞異牟尋請期它年吐蕃大臣以歲在辰兵宄出謀襲南
詔閱衆治道將以十月圍嵩州軍屯昆明凡八萬皆命一

歲糧贊普以舅攘郡羅爲都統遣尚乞力欺徐濫鑠屯西貢川異牟尋與臯相聞臯命部將武免率弩士三千赴之亢榮朝以萬人屯黎州韋良金以二萬五千人屯嵩州約南詔有急皆進軍過俄準添城者南詔供饋吐蕃引衆五萬自曩貢川分二軍攻雲南一軍自諾濟城攻嵩州異牟尋畏東蠻磨些難測懼爲吐蕃鄉導欲先擊之臯報嵩州實往來道扞蔽數州虜百計窺之故嚴兵以守屯壁相望糧械處處有之東蠻庸敢懷貳乎異牟尋乃檄東磨些諸蠻內糧城中不者悉燒之吐蕃顯城將楊萬波約降事洩吐蕃以兵五千守臯將擊破之萬波與籠官拔顯城以來

徙其人二千于宿川臯將扶忠義又取末恭城俘繫牛羊千計贊普大將旣煎讓律以兵距卜貢川一舍而屯國師馬定德率衆落出降西貢節度監軍野多輸煎者贊普乞立贊養子當從先贊普殉亦詣忠義降於是虜氣衰軍不振欺徐濫鑠至鐵橋南詔毒其水人多死乃徙納川壁而待是年虜霜雪早兵無功還期以明年吐蕃苦唐詔犄角亦不敢圖南詔臯令免按兵嵩州節級鎮守雖南詔境亦所在屯戍吐蕃懲野戰數北乃屯三瀘水遣論妄熱誘瀕瀘諸蠻復城悉攝吐蕃險要也蠻酋潛導南詔與臯部將杜毗羅徂擊十七年春夜絕瀘破虜屯斬五百級虜

保鹿危山毗羅伏以待又戰虜大奔於時康黑衣大食等
兵及吐蕃大酋皆降獲甲二萬首又合鬼王破虜于瀘西
吐蕃君長共計不得舊州患未艾常爲兩頭蠻挾唐爲輕
重謂南詔也會虜荐飢方葬贊普調斂煩至是大料兵率
三戶出一卒虜法爲大調集又聞唐兵三萬入南詔乃大
懼兵戍納川故洪諾濟臘聿賚五城欲悉師出西山劔山
收舊州以絕南詔梟即上言京右諸屯宜明斥候蚤斂田
邠隴焚萊可困虜入梟遣將邢毗以兵萬人屯南北路趙
昱萬人戍黎雅州異牟尋謂梟曰虜聲取舊州實窺雲南
請武免督軍進羊苴咩若虜不出者請以來年二月深入

時虜兵二萬攻鹽州帝以虜多詐疑繼以大軍詔梟深鈿
賊鄙分虜勢梟表賊精鎧多置南屯今向鹽夏非全軍欲
掠河曲党項畜產耳俄聞虜破麟州梟督諸將分道出或
自西山或由平夷或下隴陀和石門或徑神川納川與南
詔會是時回鶻太原邠寧涇原軍獵其北劔南東川山南
兵震其東鳳翔軍當其西蜀南詔深入克城七焚塚百五
十所斬首萬級獲鎧械十五萬圍昆明維州不能克乃班
師振武靈武兵破虜二萬涇原鳳翔軍敗虜原州惟南詔
攻其腹心俘獲最多帝遣中人尹偕尉異牟尋而吐蕃盛
屯昆明神川納川自守異牟尋比年獻方物天子禮之

無狀障候弛杳相蒙時大和三年也嗟巔乃悉衆掩邛戎
葛三州陷之入成都止西郭十日慰賚居人市不擾肆將
還乃掠子女工技數萬引而南人懼自殺者不勝計救兵
逐嗟巔身自殿至大度河謂華人曰此吾南境爾去國當
哭衆號慟赴水死者十三南詔自是工文織與中國埒明
年上表請罪比年使者來朝開成會昌間再至大中時李
琢爲安南經略使苛墨自私以斗鹽易一牛夷人不堪結
南詔將段酋遷陷安南都護府號白衣沒命軍南詔發朱
弩佞苴三千助守然朝貢猶歲至從者多杜悰自西川入
朝表無多內蠻僭豐祐怒即慢言索質子會宣宗崩使者

告哀是時豐祐亦死坦綽酋龍立憲朝廷不弔卹又詔書
乃賜故王以草具進使者而遣遂僭稱皇帝建元建極自
號大禮國懿宗以其名近玄宗嫌諱絕朝貢乃陷播州安
南都護李鄴屯武州咸通元年爲蠻所攻棄州走天子斤
鄴以王寬代之明年攻邕管經略使李弘源兵少不能拒
奔蠻州南詔亦引去詔殿中監段文楚爲經略使數改條
約衆不悅以胡懷玉代之南詔知邊人困甚剽掠無有不
入寇杜悰當國爲帝謀遣使者弔祭示恩信并詔驃信以
名嫌冊命未可舉必易名乃得封帝乃命左司郎中孟穆
持節往會南詔陷甯州穆不行安南桃林人者居林西原

七綰洞首領李由獨主之歲歲戍邊李琢之在安南也奏罷防冬兵六千人謂由獨○當一隊邊蠻之入蠻酋以女妻由獨子七綰洞舉附蠻王寬不能制三年以湖南觀察使蔡襲代之發諸道兵二萬屯守南詔憺畏不敢出會詔左庶子蔡京經制嶺南忌襲功有所欲沮壞之乃言南方自無虞武夫倖功多聚兵耗餽運請還戍兵惜財用襲執不可願留五千兵累表不報卽極陳南詔伺隙久有十必死狀朝廷昏肆不省也京還奏得意神復詔爲宜慰安撫使卽建析廣州爲嶺南東道邕州爲西道以襲象藤巖爲隸州乃拜京西道節度使京憍伎貪克峻條令爲炮熏剗

斲法下愁毒爲軍中所逐走藤州矯制作攻討使卽召鄜兵比道軍攻邕州不克衆潰貶死崖州以桂管觀察使鄭愚代節度南詔攻交州進略安南襲請救發湖荆桂兵五千屯邕州嶺南韋宙奏南詔必襲邕管不先防近而圖遠恐擣虛絕糧道且深入乃詔襲按軍海門詔鄭愚分兵禦之襲請濟師以山南東道兵千人赴之南詔酋將楊思儼麻光高以兵六千薄城而屯四年正月癸亥急襲錄異牟尋盟言繫矢上射入其營不答俄而城陷襲闔宗死者七十人幕府樊綽取襲印走度江荆南兵入東郭苦戰斬南詔二千級是夜蠻途屠城有詔諸軍保嶺南更以秦州經

畧使高駢爲安南都護帝見輸發頻罷遊幸不奏樂宰相
杜棕以爲非是止之南詔稍逼邕州鄭愚自陳非將帥才
願更擇人會康承訓自義成來朝乃授嶺南西道節度使
發荆襄洪鄂兵萬人從之承訓辭兵寡乃大興諸道兵五
萬往六月置行交州於海門進爲都護府調山東兵萬人
益戍以容管經略使張茵鎮之因命經略安南茵逗留不
敢進安南之陷將吏遺人多客伏溪洞詔所在招還抹卹
之免安南賦入二年韋宙請分兵屯容藤披蠻勢五年南
詔回掠舊州以揺西南西川節度使蕭鄴率屬蠻鬼主邀
南詔大度河敗之明年復來攻會刺史喻士珍貪猾陰掠

兩林東蠻口縛賣之以易蠻金故開門降南詔盡殺戍卒
而士珍遂臣于蠻安南又屯兩河銳士死瘴毒者十七宰
相楊收議罷北軍以江西爲鎮南軍募彊弩二萬建節度
且地便近易調發詔河夏侯牧亦以張茵懦不足事悉以
兵授高駢駢以選士五千度江敗林邑兵於邕州擊南詔
龍州屯蠻酋燒貨畜走酋龍遣楊緝思助酋遷共守安南
以范肥些爲安南都統趙諾眉爲扶邪都統七年六月駢
次交州戰數勝士酣鬪斬其將張詮李凌龍舉衆萬人降
拔波風三壁緝思出戰敗還走城士乘之起堞入斬酋遷
肥些諾眉上首三萬殺安南平初會龍遣清平官董成等

十九人詣成都節度使李福將廷見之成辭曰皇帝奉天
命改正朔請以敵國禮見福不許導譯五返日旰土倦議
不決福怒命武士捽辱之械繫于館俄而劉潼代福節度
即挺其繁表縱還有詔召成等至京師見別殿賜物良厚
慰遣還國明年曾龍使楊會慶等來謝釋囚初李師望建
言成都經總蠻事曠日不能決請析印蜀嘉眉黎雅雋七
州爲定邊軍建節度制機事近且速天子默然即詔師望
爲節度使治邛州邛距成都才五舍雋州最南去邛乃千
里緩急首尾不相副而師望利專制諱不言哀積無厭私
賄以百萬計又欲激蠻怒幸有功乃殺會慶等既而成士

怒將醢師望以逞會召還以竇滂代之滂沓冒尤不法誅
責苛纖甚師望時蠻役未興而定邊已困曾龍怨殺其使
十年乃入寇以軍綴青溪關密引衆伐木開道徑雪坡盛
夏卒凍死者二千人出沐源闕嘉州破屬蠻遂次沐源滂
遣充海兵五百往戰一軍覆酋龍乃身自將督衆五萬侵
嶺州攻青溪關屯將杜再榮絕大度河走諸屯皆退保北涯
蠻攻黎州詭服漢衣濟江襲犍爲破之裴回陵榮間焚廬
舍掠糧畜薄嘉州刺史楊恣與南詔夾江而軍士攢射蠻
不得進陰自上游濟背擊王師殺忠武將顏慶師恣走嘉
州陷明年正月攻杜再榮滂自勒兵戰曾龍遣使者十輩

請和滂信之語未半蠻悖爭岸謀而進滂不知所爲將自
殺武寧將苗全緒止之殊死戰蠻稍卻滂乃遁全緒殿而
行黎州陷人走匿山谷蠻掠金帛不勝負入自邛崃關圍
雅州遂擊邛州是冬滂棄州壁導江儲貲峙械皆亡矣酋
龍進攻成都次眉州坦綽杜元忠日夜教酋龍取全蜀於
是西川節度使盧耽遣其副王偃中人張思廣約和蠻疆
之使南面拜然卒不見酋龍而還蠻次新津耽復遣副譚
奉祀好言申約蠻留之耽畏援軍未集卽飛請天子降大
使通好以紓其深入懿宗馳遣太僕卿支詳爲和蠻使蠻
本無謀不能乘機會鼓行亟驅但此結蠅營沮鹵剽小利

處處留屯故蜀孺老得扶攜悉入成都閭里皆滿戶所占
地不得過一牀雨則冒箕盂自庇城中井爲竭則共飲摩
訶池至爭捽溺死者或管沙取滴飲之死不能具棺卽共
坎瘞故瀘州刺史楊慶復爲耽治攻具藺石置牢城兵八
將主之樹筵格夜列炬照城守異雄新又選悍士三千號
突將爲長刀巨槌斧分左右番休日隸于軍士心侈欲鬪
而酋龍自雙流徐行內欲報董成之辱因給耽請上介至
軍議事耽遣節度副使柳槃往見杜元忠議和元忠妄言
帝見耽請具車蓋葆翊槃未能決還蠻以三百騎負幄幕
來大言曰供帳隋蜀王聽事爲驃信行在耽不許仍馳去

蠻稍前傳外郭於是游弈使王晝督援兵三千屯毗橋竇
滂亦以其軍自導江來將與大軍犄角然戰不甚力小不
勝卽保廣漢自以失定邊覬成都陷得薄其罪會有詔斥
徙軍遂無功耽部將李自孝者與刺史喻士珍善士珍臣
蠻自孝陰與賊通乃說耽城下時葦稻渚水頽城舉府不
之覺蠻攻城自孝守陴樹麾以白表麾所指蠻輒攻之爲
下所覺耽殺自孝以徇城左有民樓肆蠻俯射城中耽募
勇士燒之器械俱盡二月蠻以雲梁鵝車四面攻士叫譟
鵝車未至陴者以巨索鉤繫投膏炬車焚箱間蠻卒盡死
耽遣李疇張察率突將戰城下俘斬二千級蠻徹民鄣落

爲蓬籠如軍傘下設枕木推而前不及城又匿蠻其內以
穴墉楊忒以鬻貯糞潘反蠻蠻不能處注以鐵液蓬籠皆
火然南詔負衆益治器械斧斤晝夜有聲將擊錦樓衆失
色耽遣將出三面苦戰蠻引卻蠻利夜晦輒薄城聞呼嘯
衆齊奮城上施鐵籠千炬賊來不得隱屯夫終夜哄蠻不
能侵支詳遣謀與約好且謂耽毋多殺以速蠻和是時傳
言救師至城中合譟開門士爭出迎軍南詔搏戰不解日
入判官程克裕以北門兵二千乘之蠻乃走耽猶遺之書
謝不得已交兵且請和士脫鎧迎支詳詳陳所齎植二旗
署曰賜雲南幣物謂蠻使者曰天子詔雲南和解而兵薄

成都柰何請退合撤警以脩好或勸詳蠻多詐毋入死地
詳不行蠻復圍成都夜穿西北隅犁旦乃覺即頽焚火于
壩蠻皆死穴中以鐵絙曳雲輜仆之燎作少選盡益固守
是時帝遣東川節度使顏慶復爲大度河制置劔南應接
使兵次新都博野將曾元裕敗蠻兵斬二千級南詔騎數
萬晨墜官軍以騁大將宋威以忠武兵戰斬首五千獲馬
四百尾南詔退屯星宿山威進戍沱江酋龍遣酋望至支
詳所請和詳曰今列城固守北軍犁功歸語而主審自度
耽遣銳將趣蠻壁燒攻具殺二千人爲南詔所躡卻而潰
蠻聞鳳翔山南軍且來乃迎戰毗橋不勝趨沱江爲伏士

所擊又敗城中出突將夜火蠻營酋龍袒綽身督戰後二
日王師奪昇遷梁蠻大敗夜燒亭傳乘火所向雨矢射王
師威䟽軍行嚮矢所發叢射之兩軍不能決各解去酋龍
知不敵夜徹營南奔至雙流江無梁計窮將赴水死或止
之曰今北軍與成都兵合若來追我無類矣不如僞和以
紓急不然死未晚乃來請三日梁成而濟即斷梁按隊緩
驅黎州刺史嚴師本收散卒保邛州酋龍懼圍二日去蠻
俘華民必劓耳鼻已縱之旣而居人刻木爲耳鼻者什八
慶復之來衆以其弟慶師死于蠻必甘心及成都不破以已
功輕乃按軍廣溪縱殘寇人人切齒初成都無隍塹乃教

耽濬隍廣三丈作戰棚于埤列左右屯營營別五區區卒五十蔣阜茨夾壕後三年合拱又爲大旛連弩自是南詔憚之曾龍年少嗜殺戮親戚異已者皆斬兵出無寧歲諸國更讎忿屢覆衆國耗虛蜀之役男子十五以下悉發婦耕以餉軍十四年坦綽復寇蜀組舟大度河以濟爲刺史黃景復擊却之衆循河而南夜桴上流兵夾攻瀕水諸屯景復敗走還黎州蠻躡追爲景復所敗會蠻踵來還攻大度河仆旗息鼓請曰坦綽欲上書天子白寃事戍兵信之不戰橋成而濟黎州陷遂攻雅州擊定邊軍卒潰入邛州成都大震人亡入玉壘關士乘城坦綽遣使者王保成等

四十人齎驛信書遺節度使牛叢欲假道入朝請憇蜀王故殿叢欲許之楊慶諫曰蠻無信彼禮屈辭并詐我也請斬其使留二人還書叢因責之曰詔王之祖六詔最小夷也天子錄其勤合六詔爲一俾附庸成都名之以國許子弟入太學使習華風今乃自絕王命且雀蛇犬馬猶能報德王乃不如蟲鳥乎比成都以武備未脩故令爾突我疆場然毗橋沱江之敗積皆附城不四年復來今吾有十萬衆捨其半未用以千人爲軍十軍爲部驍將主之凡部有彊弩二百鎗斧輔之勁弓二百越糧刀輔之長戈二百撥刀輔之短矛二百連鎗輔之又軍四面面有鐵騎五百悉

收芻薪米粟牛馬犬豕清野待爾吾文能以旁騎畧爾樵
采我日出以一部與爾戰部別二番日中而代日吳一部
至以夜屯月明則戰黑則休夜半而代凡我兵五日一殺
敵爾乃晝夜戰不十日且死矣州縣繕甲厲兵犄角相
從皆蠻之深讎雖女子能齟齬薄賊况彊夫烈士哉爾祖
嘗奴事西蕃爲爾仇家今顧臣之何恩讎之戾邪蜀王故
殿先世之寶宮非邊夷所宜舍神怒人憤驃信且死叢猶
火却民室廬觀閣嚴兵爲固守計坦綽至新津而還回寇
黔中經畧使奏匡謀懼奔荆南會僖宗立遣金吾將軍韓
重持節往使俄攻黎州景復擊走之乾符元年劫畧舊雅

間破黎州入邛峽關掠成都成都閉三日蠻乃夫詔入
平軍高駢領西川節度使乃奏蠻小醜勢易制而蜀道險
館饜窮乏令左神策所發長武河東兵多用度繁廣且彼
皆扼制羌戎不可以弛備詔乃罷長武等兵駢至不淹月
閱精騎五千逐蠻至大度河奪鎧馬執酋長五十斬之收
邛峽關復取黎州南詔遁還駢召景復責大度河之敗斬
以徇戍望星清溪等關南詔懼遣使者詣駢結好而踵出
兵寇邊駢斬其使初安南經略判官杜驤爲蠻所俘其妻
宗室女也故酋龍使奉書丐和駢答曰我且將百萬衆至
龍尾城問爾罪酋龍大震自南詔叛天子數遣使至其境

酉龍不肯拜使者遂絕駢以其俗尚浮屠法故遣浮屠景
仙攝使往酉龍與其下迎謁且拜乃定盟而還遣清平官
酋望趙宗政質子三十入朝乞盟請爲兄弟若舅甥詔拜
景仙鴻臚卿檢校左散騎常侍駢結吐蕃尚延心嗚未魯
耨月等爲間築戎州馬湖沐源川大度河三城列屯拒險
料壯卒爲平夷軍南詔氣奪酋龍恚發疽死僞謚景莊皇
帝子法嗣改元貞明承智大同自號大封人法年少好畋
獵酣逸衣絳紫錦罽鍔金帶國事顛決大臣乾符四年遣
陀西段瑛寶詣邕州節度使辛讜請脩好詔使者答報未
幾寇西川駢奏請與和親右諫議大夫柳韜吏部侍郎崔

澹醜其事上言遠蠻畔逆乃因浮屠誘致又議和親垂笑
後世駢職上將謀乖謬不可從遂寢蠻使者再久朝議加
親而駢徙荆南持前請不置宰相鄭畋盧攜爭不決皆賜
罷辛讜遣幕府徐雲虔攝使者往覘到善闡府見騎數十
曳長矛擁絳服少年朱繒約髮典客伽陀酋孫慶曰此驃
信也問天子起居下馬揖客取使者佩刀視之自解左右
鈕以示乃除地制三丈版命左右馳射每一人射法駮馬
逐以爲樂數十發止引客就幄俛子捧瓶盃四女子侍樂
飲夜乃罷又遣問客春秋大義送使者還是時駢徙節鎮
海劾澹等沮議帝蒙弱不能曉下詔尉解西川節度使崔

唐傳百四十七
安潛上言蠻蓄鳥獸心不識禮義安可以賤隸尚貴主失
國家大體澹等議可用臣請募義征子率十戶一保願發
山東銳兵六千戍諸州比五年蠻可爲奴久之帝手詔問
安潛和親事答曰雲南姚州譬一縣中國何資於彼而遣
重使加厚禮彼且妄謂朝廷畏怯無能爲脫有它請陛下
何以待之且天宗近屬不可下小蠻夷臣比移書不言舅
甥默所僭也有如蠻使者不復至當遣諜人伺其隙可以
得志南詔知蜀疆故襲安南 之都護曾袞奔邕府戍兵
潰會西川節度使陳敬瑄申和親議時盧攜復輔政與豆
盧瑑皆厚駢乃譎說帝曰陛下初卽位遣韓重使南詔將

官屬留蜀基年費不貲蠻不肯迎及駢節度西川招嗚末
繕甲訓兵蠻夷震動遣趙宗政入獻見天子附驃信再拜
雲虔之使驃信答拜共於禮不爲少宣宗皇帝收三州七
關平江嶺以南至大中十四年內庫貲積如山戶部延資
允滿故宰相敏中領西川庫錢至三百萬緡諸道亦然咸
通以來蠻始叛命再入安南邕管一破黔州四盜西川遂
圍盧耽召兵東方戍海門天下騷動十有五年賦輸不內
京師者過半中藏空虛士死瘡癘燎骨傳灰人不念家亡
命爲盜可爲痛心前年留宗政等南方無虞及遣還彼猶
冀望蒙法立三年比兵不出要防其蓄力以間我虞今朝

廷府庫匱甲兵少牛叢有北兵七萬首尾奔衝不能救况
安南容戍單寡涉冬寇禍可虞誠命使者臨報縱未稱臣
且伐其謀外以縻服蠻夷內得蜀休息也帝謂然乃以宗
室女爲安化長公主許婚拜嗣曹王龜年宗正少卿爲雲
南使大理司直徐雲虔副之內常侍劉光裕爲雲南內使
霍承錫副之及還具言驃信誠款以爲敬瑄功故進檢校
司空賜一子官法遣宰相趙隆眉楊奇混段義宗朝行在
迎公主高駢自揚州上言三人者南詔心腹也宜止而鳩
之蠻可圖也帝從之隆眉等皆死自是謀臣盡矣蠻益衰
中和元年復遣使者來迎主獻珍怪瓊鬪百牀帝以方議

公主車服爲解後二年又遣布燮楊奇肱來迎詔檢校國
子祭酒張譙爲禮會五禮使徐雲虔副之宗正少卿嗣虢
王約爲婚使未行而黃巢平帝東還乃歸其使法死僞謚
聖明文武皇帝子舜化立建元中興遣使款黎州脩好昭
宗不答後中國亂不復通先是有時傍矣川羅識二族通
號八詔時傍母歸義女也其女復妻閻羅鳳初咩羅皮之
敗時傍入居遼川州誘上浪千餘勢稍張爲閻羅所猜徙
置白崖城後與矣川羅識詣神川都督求自立爲詔謀洩
被殺矣川羅識奔神川都督送之羅些城
蒙巒詔最大其王巒輔首死無子弟佉陽照立法陽照死

子照原立喪明子原羅質南詔歸義欲并國故歸其子原羅衆果立之居數月使人殺照原遂原羅遂有其地

越析詔或謂磨些詔居故越析州西距曩葱山一日行貞元中有豪酋張尋求悉其王波衝妻因殺波衝劔南節度使召尋求至姚州殺之部落無長以地歸南詔波衝兄子于贈持王所寶鐸鞘東北度瀘邑于龍佉河纔百里號雙舍使部酋楊墮居河東北歸義樹壁侵于贈不克閭羅鳳自請往擊楊墮破之于贈投瀘死得鐸鞘故王出軍必雙執之

浪穹詔其王豐時死子羅鐸立羅鐸死子鐸羅望立爲浪穹州刺史與南詔戰不勝挈其部寶劔川更稱劔浪死子望偏立望偏死子偏羅矣立偏羅矣死子羅君立貞元中南詔擊破劔川虜羅君徙永昌凡浪穹遼睭施浪總謂之浪人亦稱三浪

遼睭詔其王豐咩初據遼睭爲御史李知古所殺子咩羅皮自爲遼川州刺史治大釐城歸義襲敗之復入遼睭與浪穹施浪合扞歸義旣戰大敗歸義奪遼睭咩羅皮走保野共川死子皮羅鄧立皮羅鄧死子鄧羅顛立鄧羅顛死子顛文託立南詔破劔川虜之徙永昌

施浪詔其王施望久居矣苴和城有施各皮者亦八詔之

裔據石和城閣羅鳳攻虜之而施望欠孤立故與咩羅皮
合攻歸義不勝歸義以兵脅降其部施望欠以族走永昌
獻其女遺南詔丐和歸義許之度蘭江死弟望千走吐蕃
吐蕃立爲詔納之劍川衆數萬望千死子千旁羅顛立南
詔破劍川千旁羅顛走瀘北三浪悉滅唯千旁羅顛及矣
川羅識子在吐蕃

贊曰唐之治不能過兩漢而地廣於三代勞民費財禍所
繇生晉獻公殺嫡賊二公子號爲闇君明皇一日殺三庶
人昏蔽甚矣嗚呼父子不相信而遠治閣羅鳳之罪士死
十萬當時寃之懿宗任相不明藩鎮屢畔南詔內侮屯戍

思亂龐勛乘之倡戈橫行雖凶渠殲夷兵連不解唐遂以
亡易曰喪牛于易有國者知戒西北之虞而不知患生於
無備漢亡於董卓而兵兆於冀州唐亡於黃巢而禍基於
桂林易之意深矣

南蠻列傳一百四十七

南蠻列傳第一百四十七下

唐書三百二十二下

宋祁奉

勅撰

環王本林邑也一曰占不勞亦曰占婆直交州南海行三千里地東西三百里而贏南北千里西距真臘霧溫山南抵奔浪陀州其南大浦有五銅柱山形若倚蓋西重嶺東涯海漢馬援所植也又有西屠夷蓋援還留不去者才十戶隋末孽衍至三百皆姓馬俗以其寓故號馬留人與林邑分唐南境其地冬溫多霧雨產虎魄猩猩獸結遼鳥以二月為歲首稻歲再熟取檳榔瀋為酒椰葉為席俗凶悍果戰鬪以麝塗身日再塗再澡拜謁則合瓜頭頰有文宇

喜浮屠道冶金銀像大或十圍呼王爲陽蒲浦王妻爲陀
陽阿熊太子爲阿長浦宰相爲婆漫地王所居曰占城別
居曰齊國曰達皮勢王衣白氍古貝斜絡臂飾金珠爲纓
髮髮戴金華冠如草甫妻服朝霞古貝短裙冠纓如王王
衛兵五千戰乘象藤爲鎧竹爲弓矢率象牛馬四百分前
後不設刑有罪者使象踐之或送不勞山界自死隋仁壽
中遣將軍劉芳伐之其王范梵志挺走以其地爲三郡置
守令道阻不得通梵志東還衆別建國邑武德中再遣使
獻方物高祖爲設九部樂饗之貞觀時王頭黎獻馴象鑲
鎖五色帶朝霞布火珠與婆利羅刹二國使者偕來林邑

言不恭羣臣請問非太宗曰昔符堅欲吞晉衆百萬一
戰而亾隋取高麗歲調發人與爲怨乃死匹夫手朕敢妄
議發兵邪赦不問又獻五色鸚鵡白鸚鵡數訴寒有詔還
之頭黎死子鎮龍立獻通天犀雜寶十九年摩訶慢多伽
獨弑鎮龍滅其宗范姓絕國人立頭黎壻婆羅門爲王大
臣共廢之史立頭黎女爲王諸葛地者頭黎之姑子父得
罪奔真臘女之王不能定國大臣共迎諸葛地爲王妻以
女永徽至天寶凡三人獻至德後更號環王元和初不朝
獻安南都護張舟執其僞驩愛州都統斬三萬級虜王子
五十九獲戰象舡鎧婆利者直環王東南自交州汎海歷

赤土丹丹諸國乃至地大洲多馬亦號馬禮衰長數千里
多火珠大者如雞卵圓白照數尺日中以艾藉珠輒火出
產瑋瑁文螺石坭初取柔可治旣鏤刻即堅有舍利鳥通
人言俗黑身朱髮而拳鷹爪獸牙穿耳傳璫以古貝橫一
幅繚于胷古貝草也緝其花爲布粗曰貝精曰氎俗以夜
爲市自掩其面王姓刹利邪伽名護路那婆世居位繚班
絲貝綴珠爲飾坐金榻左右持白拂孔雀翼出以象駕車
羽蓋珠箔鳴金擊鼓歛蠶爲樂其東即羅刹也與婆利同
俗隋煬帝遣常駿使使赤上遂通中國赤土西南入海得婆
羅總章二年其王旃達鉢遣使者與環王使者偕朝環王

南有殊禁者汎交趾海三月乃至與婆羅同俗貞觀二年
使者上方物九年甘棠使者入朝國居海南十二年僧高
武令迦乍鳩密四國使者朝貢僧高直水真臘西北與環
王同俗其後鳩密王尸利鳩摩又與富那王尸利提婆跋
摩等遣使來貢僧高等國永徽後爲真臘所并

盤盤在南海曲北距環王限少海與狼牙脩接自交州海
行四十日乃至王曰楊粟其民瀕水居比木爲柵石爲
矢鏃王坐金龍大榻諸大人見王交手抱肩以蹠其臣曰
敦郎索濫曰崑崙帝也曰崑崙勃和曰崑崙敦諦索甘亦
曰古龍古龍者崑崙聲近耳在外曰那延猶中國刺史也

有佛道士祠僧食肉不飲酒道士謂爲貪不食酒肉貞觀
中再遣使朝其東南有哥羅一曰箇羅亦曰哥羅富沙羅
王姓矢利波羅名米失鉢羅累石爲城樓闕宮室茨以草
州二十四其兵有弓矢稍及以孔雀羽飾纛每戰以百象
爲一隊一象百人鞍若檻四人執弓稍在中賦率輸銀二
銖無絲紵惟古貝畜多牛少馬非有官不束髮凡嫁娶納
檳榔爲禮多至二百盤婦已嫁從夫姓樂有琵琶橫笛銅
鈸鐵鼓蠶死者焚之取燼貯金罌沉之海東南有拘婁蜜
海行一月至南距婆利行十日東距不迷行五日西
北距文單行六日至與赤土墮和羅同俗永徽中獻五色

之蠻夷所獻馴象畜苑中元會充廷者凡三十三悉放
山之陽及元和中水真臘亦遣使入貢文單西北屬國曰
叁半武德八年使者來道明者亦屬國無衣服見衣服者
共笑之無鹽鐵以竹弩射鳥獸自給

訶陵亦曰社婆曰闍婆在南海中東距婆利西墮婆登南
瀕海北真臘木爲城雖大屋亦覆以楸欄象牙爲牀若席
出璚瑁黃白金犀象國最富有穴自湧鹽以柳花椰子爲
酒飲之輒醉宿昔壤有文字知星曆食無七筋有毒女與
接輒苦瘡人死尸不腐王居闍婆城其祖吉延東遷於婆
露伽斯城旁小國二十八莫不臣服其官有三十二大夫

而大坐敢尤爲最貴山上有郎卑野州王常登以望海夏
至立八尺表景在表南二尺四寸貞觀中與墮和羅墮婆
登皆遣使者入貢太宗以璽詔優答墮和羅丐良馬帝與
之至上元間國人推女子爲王號悉莫威令整肅道不舉
遺大食君聞之齎金一囊置其郊行者輒避如是三年太
子過以足躡金悉莫怒將斬之羣臣固請悉莫曰而罪實
本於足可斷趾羣臣復爲請乃斬指以徇大食聞而畏之
不敢加兵大曆中訶陵使者三至元和八年獻僧祇奴四
五色鸚鵡頻伽鳥等憲宗拜內四門府左果毅使者讓其
弟帝嘉美竝官之訖大和再朝貢咸通中遣使獻女樂墮

和羅亦曰暹和羅南距盤盤北迦羅舍弗西屬海東真臘
有廣州行五月乃至國多美摩世謂墮和羅摩有二屬國
曰曼陵陀洹曇陵在海洲中陀洹一曰釋陀洹在環王西
南海中與墮和羅接自交州行九十日乃至王姓察失利
名婆那字波末無靈桑有稻麥麻豆畜有白象牛羊豬俗
喜獲居謂爲干欄以白氍朝覆布爲衣親喪在室不食燔
屍已則剔髮浴于池然後食貞觀時並遣使者再入朝又
獻婆律膏白鸚鵡首有十紅毛齊于翅因丐馬銅鐘帝與
之墮婆登在環王南行三月乃至東訶陵西迷黎車其屬
海俗與訶陵同種無月一熟有文字以貝多葉寫之死者

實金于口以銷其體加娑律膏龍脂聚香積薪燔之
投和在真臘南自廣州西南海行百日乃至王姓投和羣
各脯邪迄送官有朝請將軍功曹主簿贊理贊府分領國
事分州郡縣三等州有參軍郡有金威將軍縣有城有局
長官得選僚屬自助民居率樓閣畫壁玉宿衛百人衣朝
霞耳金環金綖被頸寶飾革履頻盜者死次穿耳及頰而
劑其髮盜鑄者截手無賦稅民以地多少自輸王以農商
自業銀作錢類榆莢民乘象及馬無鞍勒繩穿頰御之親
喪斷髮為孝焚尸歛灰于甕沈之水貞觀中遣使以黃金
函內表并獻方物

瞻博或曰瞻婆北距兢伽河多野象羣行顯慶中與娑呾
千支弗舍跋若磨臘四國並遣使者入朝千支在西南海
中本南天竺屬國亦曰半支跋若唐言五山也北距多摩
菴又有哥羅舍分脩羅分甘畢三國貢方物甘畢在南海
上東距環王王名旃陀越摩有勝兵五千哥羅舍分者在
南海南東憺和羅脩羅分者在海北東距真臘其風俗大
略相類有君長皆柵郭二國勝兵二萬甘畢才五千又有
多摩菴東距娑婆鳳西多隆南千支弗北訶陵地東西一月
行南北二十五日行其王名骨利詭云得大卵部之獲女
子美色以為妻俗無姓婚姻不別同姓王坐常東向勝兵

二萬有弓刀甲稍無馬兵有波那婆宅護遮菴摩石榴其國經薩盧都訶盧君那盧材邑諸國乃得交州顯慶中貢方物

室利佛逝一曰尸利佛誓過軍徒弄山二千里地東西千里南北四千里而遠有城十四以二國分總西曰郎婆露斯多金永砂龍腦夏至立八尺表影在表南二尺五寸國多男子有橐它豹文而犀角以乘且耕名曰它牛豹又有獸類野豕角如山羊名曰雩肉味美以饋膳其三號曷密多咸亨至開元間數遣使者朝表為邊吏侵掠有詔廣州慰撫又獻侏儒僧祇女各二及歌舞官使者為折衝以其

王為左威衛大將軍賜紫袍金鈿帶後遣子入獻詔宴于曲江宰相會冊封賓義王授右金吾衛大將軍還之名茂東接真陀桓西但游南屬海北波刺其地一月行有州三十以十二月為歲首王衣朝霞氎賦二十取一交易皆用金準直其人短小兄弟共娶一妻婦總髮為角辨夫之多少王號斯多題龍朔初使者來貢

單單在振州東南多羅磨之西亦有州縣木多白檀王姓刹利名尸陵伽日視事有八大臣號八坐王以香塗身冠雜寶瓔近行乘車遠乘象戰必吹蠡擊鼓盜無輕重皆死乾封總章時獻方物羅越者北距海五千里西南哥谷羅

商賈往來所湊集俗與墮羅鉢底同歲乘舶至廣州州必以聞

驃古朱波也自號突羅朱闍婆國人曰徒里拙在永昌南二千里去京師萬四千里東陸真臘西接東天竺西南墮和羅南屬海北南詔地長三千里廣五千里東北袤長屬羊苴咩城凡屬國十八曰迦羅婆提曰摩禮烏特曰迦梨迦曰半地曰彌臣曰坤朗曰偈奴曰羅聿曰佛代曰渠論曰婆梨曰偈陀曰多歸曰摩曳餘卽舍衛瞻婆闍婆也凡鎮城九曰道林王曰悉利移曰三陀曰彌諾道立曰突旻曰帝偈曰達梨謀曰乾唐曰末浦凡部落二百九十八以

名見者三十二曰萬公曰充惹曰羅君潛曰彌綽曰道雙曰道甕曰道勿曰夜半曰不惡奪曰莫音曰伽龍睽曰阿梨吉曰阿梨闍曰阿梨忙曰達磨曰求潘曰僧塔曰提梨郎曰望騰曰擔泊曰祿烏曰乏毛曰僧迦曰提追曰阿末邏曰逝越曰騰陵曰歐咩曰磚羅婆提曰祿羽曰陋蠻曰磨地勃繇彌臣至坤朗又有小崑崙部王名茫悉越俗與彌臣同繇坤朗至祿羽有大崑崙王國王名思利泊婆難多珊那川原大於彌臣繇崑崙小王所居半日行至磨地勃柵海行五月至佛伐國有江支流三百六十其王名思利些彌他有川名思利毗離芮土多異香址有市諸國估

船所湊越海卽闍婆也十五日行踰二大山一日正迷一
日射鞞有國其王名思利摩訶羅闍俗與佛代同經多茸
補邏川至闍婆八日行至婆賄伽盧國土熱衢路植椰子
檳榔仰不見日王居以金爲甕府覆銀瓦爨香木堂飾明
珠有二池以金爲隄舟楫皆飾金寶驃王姓困沒長名摩
羅惹其相名曰摩訶思那王出輿以金繩牀遠則乘象嬪
史數百人青甕爲圓城周百六十里有十二門四隅作浮
圖民皆居中鉛錫爲瓦荔支爲村俗惡殺拜以手抱臂稽
顙爲恭明天文喜佛法有百寺琉璃爲甕錯以金銀丹彩
紫鑛塗地覆以錦罽王居亦如之民七歲祝髮止寺至二

十有不達其法復爲民衣用白氈朝霞以蠶帛傷生不敢
衣戴金花冠翠冒絡以雜珠王宮設金銀二鍾冠至焚香
擊之以占吉凶有巨白象高百尺訟者焚香跪象前自思
是非而退有災疫王亦焚香對象跪自咎無桎梏有罪者
束五竹捶背重者五輕者三殺人則死土瓦菽粟稻梁蔗
大若脛無麻麥以金銀爲錢形如半月號登伽佗亦曰足
彈陀無膏油以蠟雜香代炷與諸蠻市以江豬白氈琉璃
璽正相易婦人當頂作高髻飾銀珠琲衣青綾裙披羅履
行持扇貴家者傍至五六近城有沙山不毛地亦與波斯
婆羅門接距西舍利城二十日行西舍利者中天竺也南

詔以兵疆地接常巽制之貞元中王雍光聞南詔歸唐有
內附心異羊羣遣使楊加明詣劍南西川節度使韋皋請
獻夷中歌曲且令驃國進樂人於是皋作南詔奉聖樂用
正律黃鍾之均宮徵一變象西南順也角羽終變象戎夷
革心也舞六成工六十四人贊引二人序曲二十八疊舞
南詔奉聖樂字舞人十六執羽翟以四爲列舞南字歌聖
主無爲化舞詔字歌南詔朝天樂舞奉字歌海字脩文化
舞聖字歌雨露覃無外舞樂字歌闢土丁零塞皆一章三
疊而成舞者初定執羽簫鼓等奏散序一疊次奏第二疊
四行贊引以序入將終雷鼓作於四隅舞者皆拜金聲作

而起執羽稽首以象朝覲每拜跪節以鉦鼓次奏拍序一
疊舞者分左右蹈舞每四拍揖羽稽首拍終舞者拜復奏
一疊蹈舞拊揖以合南字字成偏終舞者北面跪歌導以
絲竹歌已俯伏鉦作復揖舞餘字皆如之唯聖字詞末皆
恭揖以明奉聖每一字曲三疊名爲五成次急奏一疊四
十八人分行磬折象將臣禦邊也字舞畢舞者十六人爲
四列又舞闢四門之舞遽舞人徧兩疊與鼓吹合節進舞
三退舞三以象三才三統舞終皆稽首逡巡又一人舞億
萬壽之舞歌天南滇越俗四章歌舞七疊六成而終七者
火之成數象天子南面生成之恩六者坤數象西南向化

凡樂三十工百九十六人分四部一龜茲部二大鼓部三胡部四軍樂部龜茲部有羯鼓指鼓胛鼓雞婁鼓短笛大小箏箎拍板皆八長短簫橫笛方響大銅鈸貝皆四凡工八十八人分四列屬舞筵四隅以合節鼓大鼓部以四爲列凡二十四居龜茲部前胡部有箏大小箏篪五絃琵琶笙橫笛短笛拍板皆八大小箏箎皆四工七十二人分四列屬舞筵之隅以導歌詠軍樂部金鐃金鐸皆二捫鼓金鈺皆四鈺鼓金飾蓋垂流蘇工十二人服南詔服立闕四門舞筵四隅節拜合樂又十六人畫半臂執捫鼓四人爲列舞人服南詔衣絳裙襦黑頭囊金佉苴畫皮鞞首飾袜

額冠金寶花鬘襦上復加畫半臂執羽翟舞俯伏以象朝拜裙襦畫鳥獸草木文以八綵雜華以象庶物咸遂羽葆四垂以象天無不覆正方布位以象地無不載分四列以象四氣舞爲五字以象五行秉羽翟以象文德節鼓以象號令遠布振以鐸明采詩之義用龜茲等樂以象遠夷悅服鈺鼓則古者振旅獻捷之樂也黃鍾君聲配運爲土明上德常盛黃鍾得乾初九自爲其宮則林鍾四律以正聲應之象大君南面提天統於上乾道明也林鍾得坤初六其位西南西南感至化於下坤體順也太族得乾九二是爲人統天地正而三才通故次應以太族三才旣通南呂

復以羽聲應之南呂西西方金也羽北方水也金水悅而
應乎時以象西戎北狄悅服然後姑洗以角音終之姑故
也洗濯也以象南詔背吐蕃歸化洗過日新皐以五宮異
用獨唱殊音復述五均譜分金石之節奏一曰黃鍾宮之
宮軍士歌奉聖樂者用之舞人服南詔衣秉翟俯伏拜抃
合南詔奉聖樂五字倡詞五舞人乃易南方朝天之服絳
色七節襦袖節有青標排衿以象鳥翼樂用龜茲胡部金
鉦柁鼓鐃貝大鼓二曰太簇商之宮女子歌奉聖樂者用
之合以管絃若秦庭下則獨舞一曲樂用龜茲鼓笛各四
部與胡部等合作琵琶笙篳篥皆八大小膚篋箏五絃琵琶

瑟長笛短笛方響各四居龜茲部前次貝一人大鼓十一
分左右餘皆坐奏二曰姑洗角之宮應古律林鍾爲徵宮
女子歌奉聖樂者用之舞者六十四人飾羅綵襦袖間以
八采曳雲花履首飾雙鳳八卦綵雲花鬢執羽爲拜抃之
節以林鍾當地統象歲功備萬物成也雙鳳明律呂之和
也八卦明還相爲用也綵雲象氣也花鬢象冠也合奉聖
樂三字唱詞三表天下懷聖也小女子字舞則碧色襦袖
衆角音主木首飾與卦應姑洗之氣以六人略後象六合
一心也樂用龜茲胡部其鉦柁鐃鐸皆覆以綵蓋飾以花
趺上陳錦綺垂流蘇按瑞圖曰王者有道則儀鳳在鼓故

羽葆鼓栖以鳳凰鉦棲孔雀鏡鐸集以翔鷲鉦搥頂足又飾南方鳥獸明澤及飛走翔伏鉦搥鏡鐸皆二人執擊之貝及大鼓工伎之數與軍士奉聖樂同而加鼓笛四部四曰林鍾徵之宮歛拍單聲奏奉聖樂丈夫一人獨舞樂用龜茲鼓笛每色四人方響二置龜茲部前二隅有金鉦中植金鐸二貝二鈴鈸二大鼓十二分左右五曰南呂羽之宮應古律黃鍾爲右之宮樂用古黃鍾方響一大琵琶五絃琵琶大箜篌倍黃鍾膚篋小膚篋竿笙塙篳撥箏軋箏黃鍾簫笛倍笛節鼓拍板等工皆一人坐奏之絲竹緩作一人獨唱歌工復通唱軍士奉聖樂詞雍羌亦遣弟悉利

移城主舒難陀獻其國樂至成都韋臯復譜次其聲以其舞容樂器異常乃圖畫以獻工器二十有二其音八金貝絲竹匏革牙角金二貝一絲七竹二匏二革二牙一角二鈴鈸四制如龜茲部周圓三寸貫以韋擊磻應節鐵板二長三寸五分博二寸五分面平背有柄係以韋與鈴鈸皆飾條紛以花氎縷爲藥螺貝四大者可受一升飾條紛有鳳首笙篴二其一長二尺腹廣七寸鳳首及項長二尺五寸面飾虺皮絃一十有四項有軫鳳首外向其一項有條軫有鼉首箏二其一形如鼉長四尺有四足虛腹以鼉皮飾背面及仰肩如琴廣七寸腹濶八寸尾長尺餘卷上虛

中施關以張九絃左右一十八柱其一面飾彩花傅以虺皮爲別有龍首琵琶一如龜茲製而項長二尺六寸餘腹廣六寸二龍相向爲首有軫柱各三絃隨其數兩軫在項一在頸其覆形如獅子有雲頭琵琶一形如前面飾虺皮四面有牙釘以雲爲首軫上有花象品字三絃覆手皆飾虺皮刻捍撥爲舞崑崙狀而彩飾之有大匏琴二覆以半匏皆彩畫之上加銅甌以竹爲琴作虺文橫其上長三尺餘頭曲如拱長二寸以條繫腹穿甌及匏本可受二升大絃應太簇次絃應姑洗有獨絃匏琴以班竹爲之不加飾刻木爲虺首張絃無軫以絃繫頂有四柱如龜茲琵琶絃

應大簇有小匏琴二形如大匏琴長二尺大絃應南呂次應應鍾有橫笛二一長尺餘取其合律去節無爪以蠟實首上加師子頭以牙爲之穴六以應黃鍾商備五音七聲又一管唯加象首律度與荀勗笛譜同又與清商部鍾聲合有兩頭笛二長二尺八寸中隔一節節左右開衝氣穴兩端皆分洞躰爲笛量左端應太簇管末三穴一姑洗二蕤賓三夷則右端應林鍾管末三穴一南呂二應鍾三大呂下托指一穴應清太簇兩洞體七穴共備黃鍾林鍾兩均有大匏笙二皆十六管左右各八形如鳳翼大管長四尺八寸五分餘管參差相次製如笙管形亦類鳳翼竹爲

簧穿匏達本上古八音皆以木漆代之用金爲簧無匏音
唯驃國得古製又有小匏笙二製如大笙律應林鍾商有
三面鼓二形如酒缸高二尺首廣下銳上博七寸底博四
寸腹廣不過首冒以虺皮束三爲一碧條約之下當地則
不冒四面畫驃國工執笙鼓以爲飾有小鼓四製如腰
鼓長五寸首廣三寸五分身以虺皮牙釘彩飾無柄搖之
爲樂節引贊者皆執之身牙笙穿匏達本漆之上植二象
牙代管雙簧皆應姑洗有三角笙亦穿匏達本漆之上植
三牛角一簧應姑洗餘應南呂角銳在下穿匏達本柄觜
皆直有兩角笙亦穿匏達本上植二牛角簧應姑洗匏以
彩飾凡曲名十有二一曰佛印驃云沒馱彌國人及天竺
歌以事王也二曰讚娑羅花驃云隴莽第國人以花爲衣
服能淨其身也三曰白鶴驃云咎都美其飛止遂情也四
曰白鶴游驃云蘇謾底哩謂翔則摩空行則徐步也五曰
鬪羊勝驃云來乃昔有人見二羊鬪海岸疆者則見弱者
入山時人謂之來乃來乃者勝勢也六曰龍首獨琴驃云
彌思彌此一絃而五音備象王一德以畜萬邦也七曰禪
定驃云掣曉詩謂離俗寂靜也七曲唱舞皆律應黃鍾商
八曰甘蔗王驃云渴思略謂佛教民如蔗之甘皆悅其味
也九曰孔雀王驃云桃臺謂毛采光華也十曰野我鳥謂飛

止必雙徒侶畢會也十一曰宴樂驃云隴聰網摩謂時康
宴會嘉也十二曰滌煩亦曰笙舞驃云扈那謂時滌煩暨
以此適情也五曲律應黃鍾兩均一黃鍾商伊越調一林
鍾商小植調樂工皆崑崙衣絳氍朝霞爲蔽膝謂之祗補
兩肩加朝霞絡腋足臂有金寶鑲釧冠金冠左右珥瑋條
貫花鬘珥雙簪散以毳初奏樂有贊者一人先導樂意其
舞容隨曲用人或二或六或四或八至十皆珠冒拜首稽
首以終節其樂五譯而至德宗授舒難陀大僕卿遣還開
州刺史唐次述驃國獻樂煩以獻大和六年南詔掠其民
三千徙之柘東雨蠻蠻自曲州靖州西南昆川曲輓晉寧
喻獻安寧距龍和城通謂之西蠻白蠻自彌鹿升麻二川
南至步頭謂之東蠻烏蠻西蠻自云本安邑人七世祖首
南寧太守中國亂遂王蠻中梁元帝時南寧州刺史徐文
盛召詣荆州有蠻瓚者據其地延袤二千餘里土多駿馬
犀象明珠旣死子震翫分統其衆隋開皇初遣使朝貢命
韋世沖以兵戍之置恭州協州昆州未幾叛史萬歲擊之
至西洱河滇池而還震翫懼而入朝文帝誅之諸子沒爲
奴高祖即位以其子弘達爲昆州刺史奉父喪歸而益州
刺史段綸遣俞大施至南寧治其範川誘諸部皆納款貢
方物太宗遣將擊西蠻開青蛉弄棟爲縣蠻蠻之西有徒

莫祇蠻儉望蠻貞觀二十三年內屬以其地爲傍望覽丘
求五州隸卽州都督府白水蠻地與青蛉弄棟接卽州亦
隸弄棟西有大勃弄小勃弄二川蠻其西與黃瓜萊榆西
汧河接其衆完富與蜀埒無酋長喜相讎怨永徽初大勃
弄揚承顛私署將帥寇麻州都督任懷玉招之不聽高宗
以左領軍將軍趙孝祖爲卽州道行軍總管與懷玉討之
至羅仵侯山其酋禿磨蒲與大鬼主都于以衆塞菁口孝
祖大破之夷人尚鬼謂主祭者爲鬼主每歲戶出一牛或
一羊就其家祭之送鬼迎鬼必有兵因以復仇云孝祖按
軍多棄城逐北至周近水大酋儉彌于鬼主董朴瀕水爲

柵以輕騎逆戰孝祖擊斬彌于禿磨蒲鬼主十餘級會大
雪皞凍死者略盡孝祖上言小勃弄大勃弄常誘弄棟叛
今因破白水請遂西討詔可孝祖軍入夷人皆走險小勃
弄酋長死盛屯白旗城率萬騎戰敗斬之進至大勃弄楊
承顛嬰城守孝祖招之不從麾軍進執承顛餘屯大者數
萬小數千皆破降之西南夷遂定罷卽州都督更置戎州
都督爨弘達旣死以爨歸王爲南寧州都督居石城襲殺
東爨首領蓋聘及子蓋啓徙共範川有兩爨大鬼主崇道
者與弟日進日用居安寧城左聞章仇兼瓊開步頭路築
安寧城羣蠻震騷共殺築城使者玄宗詔蒙歸義討之師

次波州歸王及崇道兄弟千餘人泥首謝罪赦之俄而崇道殺日進及歸王歸王妻阿吒烏蠻女也走父部乞兵相仇於是諸爨亂阿吒遣使詣歸義求殺夫者書聞詔以其子守隅爲南寧州都督歸義以女妻之又以一女妻崇道子輔朝然崇道守隅相攻討不置阿吒訴歸義爲興師營昆川崇道走黎州遂虜其族殺輔朝收其女崇道俄亦被殺諸爨稍離弱閣羅鳳立召守隅并妻歸河睽不通中國阿吒自主其部落歲入朝恩賞蕃厚閣羅鳳遣昆川城使楊牟利以兵脅西爨徙戶二十餘萬於永昌城東爨以言語不通多散依林谷得不徙自曲靖州石城升麻昆川南

北至龍和皆殘于兵日進等子孫居永昌城烏蠻種復振徙居西爨故地與峯州爲隣貞元中置都督府領羈縻州十八烏蠻與南詔世昏姻其種分七部落一曰阿芋路居曲州靖州故地二曰阿猛三曰夔山四曰暴蠻五曰盧鹿蠻二部落分保竹子嶺六曰磨彌欵七曰勿鄧土多牛馬無布帛男子髻髻女人被髮皆衣牛羊皮俗尚巫鬼無拜跪之節其語四譯乃與中國通大部落有大鬼主百家則置小鬼主勿鄧地方千里有邛部六姓一姓白蠻也五姓烏蠻也又有初爨五姓皆烏蠻也居邛部臺登之間婦人衣黑繒其長曳地又有東欽蠻二姓皆白蠻也居北谷婦

人衣白繒長不過膝又有粟蠻二姓雷蠻二姓夢蠻三姓散處黎雋戎數州之鄙皆隸勿鄧勿鄧南七十里有兩林部落有十低三姓阿屯三姓虧望三姓隸焉其南有豐琶部落阿諾二姓隸焉兩林地雖陜而諸部推爲長號都大鬼王勿鄧豐琶兩林皆謂之東蠻天寶中皆受封爵及南詔陷雋州遂羈屬吐蕃貞元中復通款以勿鄧大鬼主苴蒿兼邛部團練使封長川郡公及死子直驃離幼以苴夢衝爲大鬼主數爲吐蕃侵獵兩林都大鬼主苴那時遺章臯書乞兵攻吐蕃臯遣將劉朝彩出銅山道吳鳴鶴出清溪關道鄧英俊出定蕃柵道進逼臺登城吐蕃退壁西貢川

居人西川節度使高臯斬之招其首領勇于等出降或謂增柵東凌界以守臯不從曰無戎而城害所生也獠亦自是不擾境戎瀘間有葛獠居依山谷林菁踰數百里俗喜叛州縣撫視不至必合黨數千人持排而戰奉酋帥爲王號曰婆能出入前後植旗大中末昌瀘二州刺史貪沓以弱繒及羊疆獠而米麥一斛得直不及半群獠訴曰當爲賊取死耳刺史召二小吏榜之曰皆爾屬爲之非吾過獠相視大笑遂叛立酋長始艾爲王踰梓潼所過焚剽刺史劉成師誘降其黨斬首領七十餘人餘衆遁至東川節度使柳仲郢諭降之始艾稽首請罪仲郢貫遣之成都西北

二千餘里有附國蓋漢西南夷也其東部有嘉良夷無姓氏地縱八百里橫西四千五百里無城柵居川谷壘石爲巢高十餘丈以高下爲差作狹戶自內以通上王酋帥以金飾首曾垂金花徑三寸地高涼多風少雨宜小麥多白雉嘉良夷有水廣三十步附國水廣五十步皆南流以常爲船附國南有薄緣夷西接女國三濮者在雲南徼外千五百里有文面濮俗鑊面以青涅之赤口濮裸身而折齒剗其脣使赤黑燹濮山居如人以幅布爲裙貫頭而繫之丈夫衣穀皮多白蹄牛虎魄龍朔中遣使與千支弗磨臘同朝貢

神使偕來龍朔三年矩州刺史謝法成招慰比樓等七千戶內附總章三年置祿州湯望州咸亨三年昆明十四姓率戶二萬內附析其地爲殷州總州敦州以安輯之殷州居戎州西北總州居西南敦州居南遠不過五百餘里近三百里其後又置盤麻等四十一州皆以首領爲刺史比明東九百里即牂柯國也兵數出侵地數千里元和八年上表請盡歸牂柯故地開成元年鬼主阿珮內屬會昌中封其別帥爲羅殿王世襲爵其後又封別帥爲滇王皆牂柯蠻也東距辰州二千四百里其南千五百里即交州也無城廓土熱多霖雨稻粟再熟無徭役戰乃屯聚刻木爲

契盜者倍三而償殺人者出牛馬三十俗與東謝同首領亦姓謝氏至龍羽有兵三萬武德三年遣使者朝以其地爲牂州拜龍羽刺史封夜郎郡公其北百五十里有別部曰兗州蠻勝兵二萬亦來朝貢以地爲兗州開元中牂柯酋長元齊死孫嘉藝襲官封其後乃以趙氏爲酋長二十五年趙君道來朝其裔有趙國珍天寶中戰有功閣羅鳳叛宰相楊國忠兼劔南節度使以國珍有方略授黔中都督屢敗南詔護五溪十餘年天下方亂其部獨寧終工部尚書貞元中官其酋長趙主俗亦以褒朝貢不絕至十八年五遣使朝元和二年詔黔南觀察使常以本道將爲押

領牂柯昆明等使自是數遣使或朝正月訖開成不絕故事戎夷朝貢將至都中官驛勞於郊旣及館恩禮尤渥西爨之南有東謝蠻居黔州西三百里南距守宮獠西連夷子地方千里宜五穀爲畬田歲一易之衆處山巢居汲流以飲無賦稅刻木爲契見貴人執鞭而拜賞有功者以牛馬銅鼓犯小罪則杖大事殺之盜物者倍償昏姻以牛酒爲聘女歸夫家夫慙澁避之旬日乃出會聚摩銅鼓吹角俗椎髻韜以絳垂于後坐必蹲踞常帶刀劔男子服衫襖大口袴以帶斜繚右肩以螺殼虎豹狻猊犬羊皮爲飾有謝氏世爲酋長部落尊畏之其族不育女自以姓高不可

唐傳二百四十七
三
以嫁人貞觀三年其酋元深入朝冠烏熊皮若注旄以金銀絡額被毛帔韋行滕著履中書侍郎顏師古因是上言昔周武王時遠國入朝太史次爲王會篇今蠻夷入朝如元深冠服不同可寫爲王會圖詔可帝以地爲應州卽拜元深刺史隸黔州都督府又有南謝首領謝疆亦來朝以其地爲莊州授疆刺史建中三年大酋長檢校蠻州長史資陽郡公宋鼎與諸謝朝賀德宗以其國小不許訴於黔中觀察使王礎以州接牂牁願隨牂牁朝賀礎奏牂蠻二州戶繁力彊爲隣蕃所憚請許三年一朝詔從之元和中辰次蠻酋張伯靖嫉本道督歛苛刻聚衆叛侵播費二州

黔中經略使崔能荆南節度使嚴綬湖南觀察使柳公綽討之三歲不能定伯靖上表請隸荆南乃降崔能內恨之更請調荆南湖南桂管軍爲援約西原十洞兵皆出可以成功公卿議者皆以爲便宰相李吉甫曰伯靖挾怨而叛壓以大兵而招之可不戰自定乃命能兵毋出獨詔嚴綬招伯靖率家屬詣江陵降授右威立羽府中郎將東謝南有西趙蠻東距夷子西屬昆明南西洱河也出穴阻深莫知道里南北十八日行東西二十三日行戶萬餘俗與東謝同趙氏世爲酋長夷子渠帥姓季氏與西趙皆南蠻別種勝兵各萬人自古未嘗通中國黔州豪帥田康諷之故

貞觀中皆遣使入朝西趙首領趙酋摩率所部萬餘戶內附以其地爲明州授酋摩刺史松外蠻尚數十百部大者五六百戶小者二三百凡數十姓趙楊李董爲貴族皆擅山川不能相君長有城郭文字頗知陰陽歷數自夜郎滇池以西皆莊躋之裔有稻麥粟豆絲麻薤蒜桃李以十二月爲歲首布幅廣七寸正月蠶生二月熟男子犴革爲帔女衣絕布裙衫髻盤如髻飯用竹筯搏而飲之烏杯貯羹如雞彝徒跣有舟無車死則坎地殯舍左屋之二年乃葬以蠶蚌封棺父母喪斬衰布衣不澡者四五年近者二三年爲人所殺者子以麻括髮墨面衣不緝居喪婚嫁不廢

亦弗避同姓婚不親迎富室娶妻納金銀牛羊酒女所齎亦如之有罪者樹一長木擊鼓集衆其下疆盜殺之富者貫死燒屋奪其田盜者倍九而償贓姦浮則疆族輸金銀請和而棄其妻處女釐婦不坐凡相殺必報力不能則其部助攻之祭祀殺牛馬親聯畢會助以牛酒多至數百人貞觀中嵩州都督劉伯莫上䟽松外諸蠻率蹙附亟叛請擊之西洱河天竺道可通也居數歲太宗以右武侯將軍梁建方發蜀十二州兵進討酋帥雙舍拒戰敗走殺獲十餘萬羣蠻震駭走保山谷建方諭降者七十餘部戶十萬九千署首領蒙和爲縣令餘衆感悅西洱河蠻亦曰河蠻

道繇郎州走三千里建方遣奇兵自雋州道千五百里掩之其帥楊盛大駭欲遁去使者好語約降乃遣首領十人納款軍門建方振旅還二十二年西洱河大首領楊同外東洱河大首領楊欵松外首領蒙羽皆入朝授官秩顯慶元年西洱河大首領楊棟附顯和蠻大首領王羅祁郎昆梨盤四州大首領王伽衝率部落四千人歸附入朝貢方物其後茂州西南築安戎城絕吐蕃通蠻之道生羌爲吐蕃鄉導攻拔之增兵以守西洱河諸蠻皆臣吐蕃開元中首領始入朝授刺史會南詔蒙歸義拔大和城乃北徙更羈制於浪穹詔浪穹詔已破又徙雲南柘城黎州領羈縻

奉上等州二十六開元十七年又領羈縻夏梁十貴等州三十一南路有廓清道部落主三人婆鹽鬼主十人又有阿逼蠻分十四部落一曰大龍池二曰小龍池三曰控四曰苴質五曰烏披六曰苴賃七曰威築水八曰戎列九曰婆狄十曰石地十一曰羅公十二曰說十三曰離旻十四曰里漢黎邛二州之東又有凌蠻西有三王蠻蓋祚都夷白馬氏之遺種楊劉郝三姓世謂長襲封王謂之三王部落疊巒而居號綢舍歲廩節度府帛三千匹以訶南詔而南詔亦密賂之覘成都虛實每節度使至酋長來謁節度使多奏威惠所懷以罔天子也前謁必請於都押衙且聽

命都押衙不令者輒諷其叛常侍三王部落求姑息至唐末益甚雅州西有通吐蕃道三曰夏陽曰夔松曰始陽皆諸蠻錯居凡部落四十六距州三百餘里之外有百坡當品巖城中川鉗矣昌逼鉗井七部落四百餘里之外有羅巖當馬三井束鋒名耶鉗恭畫重羅林籠羊林波林燒龍逢索古敢川驚川禍眉不燭十七部落五百餘里之外有諾祚三恭布嵐欠馬論川讓川遠南卑盧夔龍曜川金川東嘉梁西嘉梁十三部落六百餘里之外有椎梅作重禍林金林邏蓬五部落皆羈縻州也以首領襲刺史駕州新安城傍有六姓蠻一曰蒙蠻二曰夷蠻三曰訛蠻四曰狼蠻

餘勿鄧及白蠻也戎州管內有馴騁浪三州大鬼王董嘉慶累世內附以忠謹稱封歸義郡王貞元中狼蠻亦請內附補首領狼沙為刺史然卒不出劍南西川節度使常臯檄嘉慶兼押浪蠻又有魯望等部落徙居戎州馬鞍山臯以其遠邊徼戶給米二斛鹽五斤北又有浪稽蠻羅哥谷蠻東有婆秋蠻烏皮蠻南有離東蠻鍋銜蠻西有磨些蠻與南詔越析相姻婭自浪稽以下古滇王哀牢雜種其地與吐蕃接亦有姐羌古白馬氏之裔劍山當吐蕃大路屬石門柳疆二鎮置戍守捉以招討使領五部落一曰彌羗二曰錄羗三曰胡叢其餘東欽磨些也又有夷望鼓路西

望安樂湯谷佛蠻虧野阿醯阿鷄卸蠻林井阿異十二鬼
王皆隸儋州又有奉國直伽十一部落春秋受賞於儋州
然挾吐蕃爲輕重每節度使至諸部獻馬酋長衣虎皮餘
皆紅鬃束髮錦纈襖半臂旣見請匹錦斗酒折草招父祖
魂以歸鄉里及還裹錦植馬上而去又有顯養東魯諸蠻
永徽三年與胡叢皆叛高宗以右驍衛將軍曹繼叔爲儋
州道行軍總管戰斜山拔十餘城斬首七百獲馬犛牛萬
五千姚州境有永昌蠻居古永昌郡地咸亨五年叛高宗
以太子右衛副率梁積壽爲姚州道行軍總管討平之武
后天授中遣御史裴懷古招懷至長壽時大首領董期率
部落二萬內屬其西有懣子蠻趨悍以青沙羅羅爲通身袴
善用竹弓入林射飛鼠無不中無食器以蕉葉藉之人多
長大負排持稍而鬪又有望蠻者用木弓短箭鏃傳毒藥
中者立死婦人食乳酪肥白跣足青布爲衫裳聯貫珂見
珠絡之髻垂于後有夫者分兩髻羣蠻種類多不可記有
黑齒金齒銀齒三種見人以漆及鏤金銀飾齒寢食則去
之直頂爲髻青布爲通袴有繡脚種刻踝至腓爲文有繡
面種生踰月涅黛於面有雕題種身面涅黛有穿鼻種以
金環徑尺貫其鼻下垂過頤君長以絲係環人牽乃行其
次以二花頭金釘貫鼻下出又有長髯種棟鋒種皆額前

唐傳百四十一
二十一
為長髻下過臍行以物舉之君長則一女在前共舉其髻
乃行安南有生蠻林覩符部落大曆中置德化州戶一萬
又以潘歸國部落置龍武州戶千五百詔安南節度使綏
定之貞元七年始以驩峯二州為都督府驩在安南限重
海與文單占婆接峯統羈縻州十八與蜀巽蠻接

南平獠東距智州南屬渝州西接南州北涪州戶四千餘
多瘴癘山有毒草沙虱蝮虺人樓居梯而上名為干欄婦
人橫布二幅穿中貫其首號曰通裙美髮髻垂於後竹筒
三寸斜穿其耳貴者飾以珠璫俗女多男少婦人任役婚
法女先以貨求男貧者無以嫁則賣為婢男子左衽露髮

徒跣其王姓朱氏號劔荔王貞觀三年遣使內款以其地
隸渝州有飛頭獠者頭欲飛周項有痕如縷妻子共守之
及夜如病頭忽亡比旦還又有烏武獠地多瘴毒中者不
能飲藥故自鑿齒有甯氏世為南平渠帥陳末以其帥猛
力為寧越太守陳亡自以為與陳叔寶同日而生當代為
天子乃不入朝隋兵阻瘴不能進猛力死子長真襲刺史
及討林邑長真出兵攻其後又率部落數千從征遼東煬
帝召為鴻臚卿授安撫太守遣還又以其族人甯宣為合
浦太守隋亂皆以地附蕭銑長真部越兵攻兵和於交阯
者也武德初以寧越鬱林之地降自是交爰數州始通高

祖授長真欽州都督寧宣亦遣使請降未報而卒以其子純爲廉州刺史族人道明爲南越州刺史六年長真獻大珠昆州刺史沈遜融州刺史歐陽世普象州刺史秦元覽亦獻筒布高祖以道遠勞人皆不受道明與高州首領馮暄談殿據南越州反攻姜州寧純以兵援之八年長真陷封山縣昌州刺史龐孝恭掎擊暄等走之明年道明爲州人所殺未幾長真死子據襲刺史馮暄談殿阻兵相掠羣臣請擊之太宗不許遣員外散騎常侍韋叔諧員外散騎侍郎李公淹持節宣諭暄等與溪洞首領皆降南方遂定大抵劔南諸獠武德貞觀間數寇暴州縣者不一巴州山

獠王多馨叛梁州都督龐玉梟其首又破餘黨符陽白石二縣獠其後眉州獠反益州行臺郭行方大破之未幾又破洪雅二州獠俘男女五千口是歲益州獠亦反都督竇軌請擊之太宗報曰獠依山險當村以恩信脅之以兵威豈爲人父母意耶貞觀七年東西玉洞獠反以右屯衛大將軍張士貴爲龔州道行軍總管平之十二年巫州獠叛夔州都督齊善行擊破之俘男女三千餘口鈞州獠叛桂州都督張寶德討平之明州山獠又叛交州都督李道彥擊走之是歲巴洋集壁四州山獠叛攻巴州遣右武侯將軍上官懷仁破之于壁州虜男女萬餘明年遂平十四年

羅竇諸獠叛以廣州都督党仁弘爲竇州道行軍總管擊之虜男女七千餘人太宗再伐高麗爲船劔南諸獠皆半役雅邛眉三州獠不堪其擾相率叛詔發隴右峽兵二萬以茂州都督張士貴爲雅州道行軍總管與右衛將軍梁建方平之高宗初琰州獠叛梓州都督謝萬歲兗州刺史謝法興黔州都督李孟嘗討之萬歲法興入洞招慰遇害顯慶三年羅竇生獠酋領多胡桑率衆內附上元末納州獠叛寇故茂都掌二縣殺吏民焚解舍詔黔州都督發兵擊之大曆二年桂州山獠叛陷州刺史李良遁去貞元中嘉州綏山縣婆籠川生獠酋領甫枳兄弟誘生蠻爲亂剽

居人西川節度使韋臯斬之招其酋領勇于等出降或謂增柵東凌界以守臯不從曰無戎而城害所生也獠亦自是不擾境戎瀘間有葛獠居依山谷林菁踰數百里俗喜叛州縣撫視不至必合黨數千人持排而戰奉酋帥爲王號曰婆能出入前後植旗大中末昌瀘二州刺史貪昏以弱繒及羊彊獠市米麥一斛得直不及半羣獠訴曰當爲賊取死耳刺史召二小吏榜之曰皆爾屬爲之非吾過獠相視大笑遂叛立酋長始艾爲王踰梓潼所過焚剽刺史劉成師誘降其黨斬首領七十餘人餘衆遁至東川節度使柳仲郢諭降之始艾稽首請罪仲郢貫遣之成都西北

二千餘里有附國蓋漢西南夷也其東部有嘉良夷無姓氏地縱八百里橫西四千五百里無城柵居川谷壘石爲巢高十餘丈以高下爲差作狹戶自內以通上王酋帥以金飾首胷垂金花徑三寸地高涼多風少雨宜小麥多白雉嘉良夷有水廣三十步附國水廣五十步皆南流以韋爲船附國南有薄緣夷西接女國三濮者在雲南徼外千五百里有文面濮俗鏤面以青涅之赤口濮裸身而折齒劓其脣使赤黑燹濮山居如人以幅布爲裙貫頭而繫之丈夫衣穀皮多白蹄牛虎魄龍朔中遣使與千支弗磨臘同朝貢

西原蠻居廣容之南邕桂之西有寧氏者相承爲豪又有黃氏居黃橙洞其隸也其地西接南詔天寶初黃氏疆與帝氏周氏儂氏相脣齒爲寇害據十餘州韋氏周氏恥不肯附黃氏攻之逐于海濱至德初首領黃乾曜真崇鬱與陸州武陽朱蘭洞蠻皆叛推武承斐韋敬簡爲帥僭號中越王廖殿爲桂南王莫淳爲拓南王相支爲南越王梁奉爲鎮南王羅誠爲戎城王莫溥爲南海王合衆二十萬縣地數千里署置官吏攻桂管十八州所至焚廬舍掠士女更四歲不能平乾元初遣中使慰曉諸首領賜詔書赦其罪約降於是西原環古尋州首領方子彈甘令暉羅承韋

張九解宋原五百餘人請出兵討承斐等歲中戰二百斬黃乾曜真鬱崇廖殿莫淳梁奉羅誠莫潯七人承斐等以餘衆面縛詣桂州降盡釋其縛差賜布帛縱之其種落張侯夏永與夷獠梁崇牽單問及西原酋長吳功曹復合兵內寇陷道州據城五十餘日桂管經略使邢濟擊平之執吳功曹等餘衆復圍道州刺史元結固守不能下進攻永州陷邵州留數日而去湖南團練使辛金杲遣將王國良戍武崗嫉京杲貪暴亦叛有衆千人侵掠州縣發使招之且服且叛建中元年城淑州以斷西原國良乃降貞元十年黃洞首領黃少卿者攻邕管圍經略使孫公器請發嶺

南兵窮討之德宗不許命中人招諭不從俄陷欽橫潯貴四州少卿子昌昆趨勇前後陷十三州氣益振乃以唐州刺史陽旻爲容管招討經略使引師掩賊一日六七戰皆破之侵地悉復元和初邕州擒其別帥黃承慶明年少卿等歸款拜歸順州刺史弟少高爲有州刺史未幾復叛又有黃少度黃昌璿二部陷賓巒二州據之十一年攻欽橫二州邕管經略使肅悅破走之取賓巒二州是歲復屠巖州桂管觀察使裴行立輕其軍弱首請發兵盡誅叛者徼幸有功憲宗許之行立兵出擊彌更二歲妄奏斬獲二萬罔天子爲解自是邕容兩道殺傷疾疫死者十八以上謂

費闔亡繇行立陽旻二人當時莫不咎之及安南兵亂殺都護李象古擢唐州刺史桂仲武爲都護逗留不敢進貶安州刺史以行立代之尋召還卒長慶初以容管經略使留後嚴公素爲經略使復上表請討黃氏兵部侍郎韓愈建言黃賊皆洞獠無城郭依山險各治生業急則屯聚畏死前日邕管經略使德不能綏懷威不能臨制侵詐係縛以致憾恨夷性易動而難安劫州縣復私讐貪小利不爲大患自行立陽旻建征討生事詭賞邕容兩管日以凋敝殺傷疾患十室九空百姓怨嗟如出一口人神共嫉二將繼死今嚴公素非撫御之才復尋往認誠恐嶺南未有寧

時昨合邕容爲一道邕與賊限一江若經略使居之兵鎮所處物力雄完則敵人不取輕犯容州則隔阻已甚以經略使居之則邕州兵少情見易啓蠻心請以經略使還邕州容置刺史便甚又比發南兵遠鄉羈旅疾疫殺傷續添續死每發倍難若募邕容千人以給行營糧不增而兵便習守則有威攻則有利自南討損傷嶺南人希賊之所處洞壘荒僻假如盡殺其人得其地在國計不爲有益容貸羈縻比之禽獸來則捍禦去則不追未有虧損朝廷願因改元大慶普赦其罪遣郎官御史以天子意丁寧宣諭必能謹听命爲選材用威信者委以經略處理得方安無

侵叛事不納初邕管既廢人不謂宜監察御史杜周士使安南過邕州刺史李元宗白狀周士從事五管積三十年矣亦知其不便嚴公素遣人盜其橐周士憤死公素劾元宗擅以羅陽縣還黃少度元宗懼引兵一百持印章依少度穆宗遣監察御史敬僚按之僚嘗爲容州從事與公素睚眦致元宗罪以母老流驩州衆以爲不直黃賊更攻邕州陷左江鎮攻欽州陷千金鎮刺史楊嶼奔石南柵邕州刺史崔結擊破之明年又寇欽州殺將吏是歲黃昌權遣其黨陳少奇二十人歸款請降敬宗納之黃氏儂氏據州十八經略使至遣一人詣治所稍不得意輒侵掠諸州橫

州當邕江官道嶺南節度使常以兵五百戍守不能制大和中經略使董昌齡遣子蘭討平峒穴夷其種黨諸蠻畏服有違命者必嚴罰之十八州歲輸貢賦道路清平其後儂洞最疆結南詔爲助懿宗與南詔約和二洞數構敗之邕管節度使辛讜以從事徐雲虔使南詔結和齎美貨啖二洞首領太州刺史黃伯蘊屯洞首領儂金意貢州首領儂金勒等與之通驩貢州又有首領儂金澄濃仲武與金勒襲黃洞首領黃伯善伯善伏兵灤水雞鳴候其半濟擊殺金澄仲武唯金勒遁免後欲興兵報仇辛讜遣人持牛酒音樂解和并遺其母衣服母賢者也讓其子曰節度使

持物與獠毋非結好也以汝爲吾子前日兵敗灤水士卒
略盡不自悔復欲動衆兵忿者必敗吾將囚爲官老婢矣
金勒感悟爲罷兵

贊曰唐北禽頡利西滅高昌焉耆東破高麗百濟威制夷
狄方策所未有也交州漢之故封其外瀕海諸蠻無廣土
堅城可以居守故中國兵未嘗至及唐稍弱西原黃洞繼
爲邊害垂百餘年及其亡也以南詔詩曰惠此中國以綏
四方不以夷狄先諸夏也

南蠻列傳一百四十七下

蘇臣列傳第一百四十八上

唐書二百二十三上

宋 祁 奉 勅 撰

許敬宗字延族杭州新城人父善心仕隋爲給事中敬宗
幼善屬文大業中舉秀才中第調淮陽書佐俄直謁者臺
奏通事舍人事善心爲宇文化及所殺敬宗哀請得不死
去依李密爲記室武德初補漣州別駕太宗聞其名召署
文學館學士貞觀中除著作郎兼脩國史喜謂所親曰仕
官不爲著作無以成門戶俄改中書舍人文德皇后喪羣
臣衰服率更令歐陽詢貌醜異敬宗侮笑自如貶洪州司
馬累轉給事中復脩史以勞封高陽縣男檢校黃門侍郎

高宗在東宮遷太子右庶子高麗之役太子監國定州敬宗與高士廉典機劇岑文本卒帝驛召敬宗以本官檢校中書侍郎駐蹕山破賊命草詔馬前帝愛其藻警由是專掌詔令初太子承乾廢官屬張玄素令狐德棻趙弘智裴宣機蕭鈞皆除名爲民不復用敬宗爲言玄素等以直言被嫌忌今一槩被罪疑洗宥有所未至帝悟多所甄復高宗即位遷禮部尚書敬宗饜香遂以女嫁蠻酋馮盎子多私所聘有司劾舉下除鄭州刺史俄復官爲弘文館學士帝將立武昭儀大臣切諫而敬宗陰揣帝私即妄言曰因舍子賸獲十斛麥尚欲更故婦天子富有四海立一后謂

之不可何哉帝意遂定王后廢敬宗請削后家官爵廢太子忠而立代王遂兼太子賓客帝得所欲故詔敬宗待詔武德殿西闥頃拜待中監修國史爵郡公帝嘗幸故長安城按蹕裴回視古區處問侍臣秦漢以來幾君都此敬宗曰秦居咸陽漢惠帝始城之其後符堅姚萇宇文周居之帝復問漢武開昆明池實何年對曰元狩二年將伐昆明實爲此池以肄戰帝乃詔與弘文學士討古宮室故區具條以聞進中書令仍守侍中敬宗於立后有助立知后鉗戾能固主以久已權乃陰連后謀逐韓瑗來濟褚遂良殺梁王長孫無忌上官儀朝廷重足事之威寵熾灼當時莫

與比改右相辭疾拜太子少師同東西臺三品年老不任
趨步特詔與司空李勣朝朔日聽乘小馬至內省帝東封
泰山以敬宗領使次濮陽帝問竇德玄此謂帝丘何也德
玄不對敬宗僂曰臣能知之昔帝顓頊始居此地以王天
下其後夏后相因之爲寒浞所滅后緡方偃逃出自竇在
此地也後昆吾氏因之而爲夏伯昆吾既衰湯滅之其頌
曰韋顧旣伐昆吾夏桀是也至春秋時衛成公自楚兵徙
居之左氏稱相奪予享以舊地也由顓頊所居故曰帝丘
臣聞有德者啓其國土失道者則喪其疆宇自吉大都美
國居者不一姓故有國家者不可不慎也帝曰書稱浮

濟潔今濟與漯斷不相屬何故而然對曰夏禹導沅水東
流爲濟入于河今自漯至温而入河水自此淤地過河而
南出爲滎又淤而至曹濮散出於地合而東汶水自南入
之所謂洪爲滎東出于陶丘北又東會于汶是也古者五
行皆有官水官不失職則能辨味與色潛而出合而更分
皆能識之帝曰天下洪流巨谷不載祀典濟甚細而在四
瀆何哉對曰瀆之言獨也不因餘水獨能赴海者也且天
有五星運而爲四時地有五嶽流而爲四瀆人有五事用
而爲四支五陽數也四陰數也有奇偶陰陽焉陽者光曜
陰者晦昧故辰隱而難見濟潛流屢絕狀雖微細獨而

也帝曰善敬宗退矜曰大臣不可無學向德玄不能對是
恥之德玄聞之不屑曰人各有能不彊所不知吾所能也
李勣曰敬宗多聞美矣實之不彊不亦善乎初高祖太宗
實錄敬播所譏信而詳及敬宗身為國史竄改不平專出
己私始虞世基與善心同遭賊害封德彝常曰昔吾見世
基死世南匍匐請代善心死敬宗蹈舞求生世為口實敬
宗銜憤至立德彝傳盛誣以惡敬宗子娶尉遲敬德女孫
而女嫁錢九隴子九隴本高祖隸奴也為上座立門閤功狀
至與劉文靜等同傳太宗賜長孫無忌威鳳賦敬宗猥稱
賜敬德蠻酋龐孝泰率兵從討高麗賊笑其懦襲破之敬

宗受其金乃稱屢破賊唐將言驍勇者唯蘇定方與孝泰
曹繼叔劉伯英出其下遠甚然自貞觀後論次諸書自晉
盡隋及東殿新書西域圖志姓氏錄新禮等數十種皆敬
宗總知之賞賚不勝紀敬宗營第舍華僭至造連樓使諸
妓走馬其上縱酒奏樂自娛嬖其婢因以繼室假姓虞子
昂丞之敬宗怒黜虞奏斥昂嶺外又乃表還咸亨初以特
進致仕仍朝朔望續其俸祿卒年八十一帝為舉哀詔百
官哭其第冊贈開府儀同三司揚州大都督陪葬昭陵太
常博士袁思古議敬宗棄子荒微女稼蠻落謚曰繆其孫
彦伯訴思古有嫌詔更議博士王福時曰何曾忠而孝以

食日萬錢謚繆醜况敬宗忠孝兩棄飲食男女之累過之
執不改有詔尚書省雜議更謚曰祭彥伯昂子也頗有文
敬宗晚年不復下筆凡大典冊悉彥伯為之嘗戲昂曰吾
兒不及若兒荅曰渠父不如昂父後又納婢譖奏流彥伯
嶺表遇赦還累官太子舍人既與思古有憾欲邀擊諸路
思古曰吾為先子報仇耳彥伯慙而止垂拱中詔敬宗配
饗高宗廟廷

李義府瀛州饒陽人其祖嘗為射洪丞因客求泰貞觀中
李大亮巡察劔南表義府才對策中第補門下省典儀劉
洎馬周更薦之太宗召見轉監察御史詔侍晉王王為太

子除舍人崇賢館直學士與司議郎來濟俱以文翰顯時
稱來李獻承華箴末云佞諛有類邪巧多方其萌不絕其
害必彰義府方諂事太子而文致若讜直者太子表之優
詔賜昂高宗立遷中書舍人兼脩國史進弘文館學士為
長孫無忌所惡奏斥壁州司馬詔未下義府問計於舍人
王德儉德儉者許敬宗甥癭而智善揣事因曰武昭儀方
有寵上欲立為后畏宰相議未有以發之君能建白轉禍
於福也義府即代德儉直夜叩閣上表請廢后立昭儀帝
悅名見與語賜珠一斗停司馬詔書留復侍武后已立義
府與敬宗德儉及御史大夫崔義玄中丞袁公瑜大理正

侯善業相推轂濟其姦誅棄骨髓大臣故后得肆志攘取
威柄天子斂衽矣義府貌柔恭與人言嬉怡微笑而陰賊
褊忌著于心凡忤意者皆中傷之時號義府笑中刀又以
柔而害物號曰人貓永徽六年拜中書侍郎同中書門下
三品封廣平縣男又兼太子右庶子爵爲侯洛州女子淳
于以姦繫大理義府聞其美屬丞畢正義出之納以爲妾
卿段寶玄以狀聞詔給事中劉仁軌侍御史張倫鞠治義
府且窮逼正義縊獄中以絕始謀侍御史王義方廷劾義
府不引咎三叱之然後趨出義方極陳其惡帝陰德義府
故貸不問爲抑義方逐之未幾進中書令檢校御史大夫

加太子賓客更封河間郡公詔進私第諸子雖祿負皆補
清官初杜正倫爲黃門侍郎義府纔典儀及同輔政正倫
恃先進不相下密與中書侍郎李友益圖去義府又爲所
誣交訟帝前帝兩黜之正倫爲橫州刺史義府普州刺史
流友益峯州明年召爲吏部尚書同中書門下三品母喪
免奪喪爲司列太常伯同東西臺三品更葬其先永康陵
側役縣人牛車輸土築墳助役者凡七縣高陵令不勝勞
而死公卿爭贈遺葬日詔御史節哭送車從騎相銜帷帟
奠帳自灞橋屬三原七十里不絕輜輳芻偶僭侈不法人
臣送葬之盛無與比者殷王出閣又兼府長史稍遷右相

義府已貴乃言系出趙郡與諸李叙昭穆嗜進者往往尊
爲父兄行給事中李崇德引與同譜既謫普州丞削去義
府銜之及復當國傳致其罪使自殺于獄貞觀中高士廉
韋挺岑文本令狐德棻族志凡升降天下允其議於
是州藏副本以爲長式時許敬宗以不載武后本望義府
亦恥先世不見叙更奏刪正委孔志約楊仁卿史玄道呂
才等定其書以仕唐官至五品皆昇士流於是兵卒以軍
功進者悉入書限更號姓氏錄搢紳共嗤斬之號曰勲格
義府奏悉收前志燒絕之自魏太和中定望族七姓子孫
迭爲婚姻後雖益衰猶相夸尚義府爲子求婚不得遂奏

一切禁止旣主選無品鑿才而谿壑之欲惟賄是利不復
銓判人人咨訕又母妻諸子賣官市獄門如沸湯自永徽
後御史多制授吏部雖有調注至門下覆不留義府乃自
注御史員外通事舍人有司不敢卻帝嘗從容戒義府曰
聞卿兒子女婿撓法多過失朕爲卿掩覆可少勗之義府
內倚后揣羣臣無敢白其罪者不虞帝之知乃勃然變色
徐曰誰爲陛下道此帝曰何用問我所從得邪義府瞽然
不謝徐引去帝由是不悅會術者杜元紀望義府第有獄
氣曰發積錢二千萬可以狀勝義府信之哀索殊急居母
喪朔望給告即羸服與元紀出野馮高窺覘災眚衆疑其

有異謀又遣子津召長孫延謂曰吾爲子得一官居五日
延拜司津監索謝錢七十萬右金吾倉曹參軍楊行穎白
其賊詔司刑太常伯劉祥道與三司雜訊李勣監按有狀
詔除名流嶺州子率府長史洽千牛備身洋及壻少府主
簿柳元貞並流延州司議郎津流振州朝野至相賀三子
及壻尤凶肆旣敗人以爲誅四凶或作河間道元帥劉祥
道破銅山大賊李義府露布榜于衢乾封元年大赦獨流
人不許還義府憤恚死年五十三自其斥天下憂且復用
比死內外乃安上元初赦妻子還洛陽如意中贈義府揚
州大都督崔義玄益州大都督王德儉袁公瑜魏相二州

刺史各賜實封睿宗立詔信少子湛見李多祚傳
傳游藝衛州汲人載初初由合宮主簿再遷左補闕武后
奪政即上書說說符瑞勸后當革姓以明受命后說擢給
事中閏三月進同鳳閣鸞書臺章事即拜鸞臺侍郎后乃
黜唐稱周廢唐宗廟自稱皇帝賜游藝姓武氏以兄神童
爲冬官尚書游藝嘗夢登湛露殿既寤以語所親有告其
謀反者下獄自殺以五品禮葬之初游藝探后旨誣殺宗
室復請發六道使後卒用其言萬國俊等旣出天下被其
酷游義起一歲賜袍自青及紫人號四時仕宦然歲中即
敗前古少其比云

李林甫長平廟王叔良曾孫初爲千牛直長舅姜皎愛之
開元初遷太子中允源乾曜執政與皎爲姻家而乾曜子
絜爲林甫求司門郎中乾曜素薄之曰郎官應得才望哥
奴豈郎中材邪哥奴林甫小字也即授以諭德累擢國子
司業宇文融爲御史中丞引與同列稍歷刑吏部侍郎初
吏部置長名榜定留放寧三弘謁十人林甫曰願絀一人
以示公遂榜其一曰坐王尸囑放冬集時武惠妃寵傾後
宮子壽王盛王尤愛林甫因中人白妃願護壽王爲萬歲
計妃德之侍中裴光廷夫人武三思女嘗私林甫而高力
士本出三思家及光廷卒武請力士以林甫代爲相力士

未敢發而帝因蕭嵩言自用韓休方且詔武擿語林甫使
爲休請休旣相重德林甫而與嵩有隙乃薦林甫有宰相
才妃陰助之即拜黃門侍郎尋爲禮部尚書同中書門下
三品再進兵部尚書皇太子鄂王光王被譖帝欲廢之張
九齡切諫帝不悅林甫惘然私語中人曰天子家事外人
何與邪二十四年帝在東都欲還長安裴耀卿等建言農
人場圃未畢須冬可還林甫陽蹇獨在後帝問故對曰臣
非疾也願奏事二都本帝王東西宮車駕往幸何所待時
假令妨農獨赦所過租賦可也帝大悅即駕而西始九齡
繇文學進守正持重而林甫特以便佞故得大任每嫉九

齡陰害之帝欲進朔方節度使牛仙客實封九齡謂林甫封賞待名臣大功邊將一上最可遽議要與公固爭林甫然許及進見九齡極論而林甫抑嘿退又漏其言仙客明日見帝泣且辭帝滋欲賞仙客九齡持不可林甫爲人言天子用人何不可者帝聞善林甫不專也由是益疏薄九齡俄與耀卿俱罷政事專任林甫相仙客矣初三宰相薨位二人磬折趨而林甫在中軒驚無少讓喜津津出眉宇間觀者竊言一鵬挾兩兔少選詔書出耀卿九齡以左右丞相罷林甫嘻笑曰尚左右丞相邪日恚而送乃止公卿爲戰栗於是林甫進兼中書令帝卒用其言殺三子天下

寃之大理卿徐嶠妄言大理獄殺氣盛鳥雀不敢棲今刑部斷死歲纔五十八而烏鵲巢獄戶幾至刑措群臣賀帝而帝推功大臣封林甫晉國公仙客幽國公及帝將立太子林甫探帝意數稱道壽王語祕不傳而帝意自屬忠王壽王不得立太子既定林甫恨謀不行且畏禍乃陽善帝堅堅太子妃兄也使任要職將覆其家以搖東宮及構堅獄而太子絕妃自明林甫計黜杜良姊之父有隣與婿柳勣不相中勣浮險欲助林甫乃上有隣變事捕送詔獄賜死逮引裴敦復李邕等皆林甫素忌惡者株連殺之太子亦出良姊爲庶人未幾擢濟陽別駕魏林使誣河西節度

使王忠嗣欲擁兵佐太子帝不信然忠嗣猶斥去林甫數
白太子宜知謀帝曰吾兒在內安得與外人相聞此妄耳
林甫數危太子未得志一日從容曰古者立儲君必先賢
德非有大勲力於宗稷則莫若元子帝又之曰慶王往年
獵爲豹傷面甚答曰破面不愈於破國乎帝頗惑曰朕徐
思之然太子自以謹孝聞內外無甚言故飛語不得入帝
無所發其猜林甫善刺上意時帝春秋高聽斷稍怠馱繩
檢重接對大臣及得林甫任之不疑林甫善養君欲自是
帝深居燕適沈蠱衽席至德衰矣林甫每奏請必先餉遺
左右審伺微旨以固恩信至獲夫御婢皆所款厚故天子

動靜必具得之性陰密忍誅殺不見喜怒面柔令初
親旣崖穿深阻卒不可得也公卿不由其門而進必
徒附離者雖小人且爲引重同時相若九齡李適
逐至楊慎矜張瑄盧幼臨柳升等緣坐數百人竝相繼
以王鉷吉溫羅希奭爲爪牙數興大獄衣冠爲累息
子嘗嘗盛具召賓客畏林甫乃終日無一人往者林甫
堂如偃月號月堂每欲排搆大臣即居之思所以中傷
若喜而出即其家碎矣子岫爲將作監見權勢熏灼惕
懼常從游後園見輦重者跪涕曰大人居位久枳棘滿前
一旦禍至欲比若人可得乎林甫不樂曰勢已然可奈何

時帝詔天下士有一藝者得詣闕就選林甫恐士對詔或斥已即建言士皆草茅未知禁忌徒以狂言亂聖聽請委尚書省長官試問使御史中丞監總而無一中程者林甫因賀上以爲野無留才俄兼隴右河西節度使改右都罷節度加累開府儀同三司實封戶三百咸寧太守趙彥璋得林甫隱惡二十條將言之林甫諷御史捕繫奉璋劾妖言抵死著作郎韋子春坐厚善貶帝嘗大陳樂勤政樓旣罷兵部侍郎盧絢按轡絕道去帝愛其醞藉稱美之明日林甫召絢子曰尊府素望上欲任以交廣若憚行且當請老絢懼從之因出爲華州刺史俄授太子員外詹事

縣是廢於時有以材譽聞者林甫護前皆能得於天子抑遠之故在位恩寵莫比凡御府所貢遠方珍鮮使者傳賜相望帝食有所甘美必賜之嘗詔百僚閱歲貢於尚書省旣而舉貢物悉賜林甫輦致其家從幸華清宮給御馬武士百人女樂工部薛王別墅勝麗甲京師以賜林甫它邸第田園水磴皆便好上腴車馬衣服侈靡尤好聲伎侍臣盈房男女五十人故事宰相皆元功盛德不務權威出入騎從簡寡士庶不甚引避林甫自見結怨者衆憂刺客竊發其出入廣騶騎先驅百步傳呼呵衛金吾爲清道公卿辟易趨走所居重關複壁絡版甃石一夕再徙家人亦莫

知也或帝不朝羣司要官悉走其門臺省爲空左相陳希烈雖坐府卒無人入謁林甫無學術發言陋鄙聞者竊笑善苑咸郭慎微使主書記然練文法其用人非諂附者一以格令持之故小小綱目不甚亂而人憚其威權久之又兼安西大都護朔方節度使俄兼單于副大都護以朔方副使李獻忠反讓還節度始厚王鉷爲盡力及鉷敗詔宰相治狀林甫大懼不敢而鉷獄具署名亦無所申救因以楊國忠代爲御史大夫林甫薄國忠材孱無所畏又以貴妃故善之及是權益盛貴震天下始交惡若仇敵然國忠方兼劔南節度使而南蠻入寇林甫因建遣之鎮欲離間

之國忠人辭帝曰處置且訖亟還指日待卿林甫聞之憂懣是時已屬疾稍侵會帝幸温湯詔以馬輦從御醫珍膳繼至詔旨存問中官護起居病劇巫者視疾云見天子當少間帝欲視之左右諫止乃詔林甫出廷中帝登降聖閣舉絳巾招之林甫不能興左右代拜俄而國忠至自蜀謁林甫牀下垂涕託後事因不食卒諸子護還京發喪贈太尉揚州大都督林甫居相位凡十九年固寵市權蔽欺天子耳目諫官皆持祿養資無敢正言者補闕杜璡再上書言政事斥爲下邳令因以語動其餘曰明主在上羣臣將順不暇亦何所論君等獨不見立仗馬乎終日無聲而飶

三品芻豆一鳴則黜之矣後雖欲不鳴得乎由是諫爭路絕貞觀以來任蕃將者如阿史那社尒契苾何力皆以忠力奮然猶不爲上將皆大臣總制之故上有餘權以制於下先天開元中大臣若薛訥郭元振張嘉貞王峻張說蕭嵩杜暹李適之等自節度使入相天子林甫疾儒臣以方略積邊勞且大任欲杜其本以久已權卽說帝曰以陛下雄材國家富彊而夷狄未滅者繇文吏爲將憚矢石不身先不如用蕃將彼生而雄養馬上長行陣天性然也若陛下感而用之使必死夷狄不足圖也帝然之因以安思順代林甫領節度而擢安祿山高仙芝歌舒翰等專爲大將

林甫利其虜也無入相之資故祿山得專三道勁兵處十四年不徙天子安林甫策不疑也卒稱兵蕩覆天下王室遂微初林甫夢人皙而髯將逼已寤而物色得裴寬類所夢曰寬欲代我因李適之黨逐之其後楊國忠代林甫貌類寬云國忠素銜林甫及未葬陰諷祿山暴其短祿山使阿布思降將入朝告林甫與思約爲父子有異謀事下有司其壻楊齊宣懼妄言林甫獻祝上國忠劾其姦帝怒詔林甫淫祀厭勝結叛虜圖危宗社悉奪官爵斲棺剔取含珠金紫更以小槥用庶人禮葬之諸子司儲郎中峒太常少卿嶼及岫等悉徙嶺南黔中各給奴婢三人籍其家諸

壻若張博濟鄭平杜位元馮屬子復道光皆貶官博濟亦
儉薄自肆爲戶部郎中部有考堂天下歲會計處博濟廢
爲員外郎中廳事壯偉華敞供擬豐侈至千品別取都水
監地爲考堂擅廢諸州籍帳錢不貲有司不敢言帝之幸
蜀也給事中裴士淹以辯學得幸時肅宗在鳳翔每命宰
相輒啓聞及房琯爲將帝也此非破賊才也若姚元崇在
賊不足滅至宋璟曰彼賣直以取名耳因歷評十餘人皆
當至林甫曰是子妬賢嫉能舉無比者士淹因曰陛下誠
知之何任之久邪帝默不應至德中兩京平大赦唯祿山
支黨及林甫楊國忠王鉷子孫不原天寶時嘗鏤玉爲玄
元皇帝及玄宗肅宗像於太清宮復琢林甫陳希烈像列
左右序代宗時或言林甫陰險嘗不利先帝宗廟幾危柰
何留像至今有詔瘞官中廣明初盧攜爲太清宮使發地
得異像輦送京兆毀之云

陳希烈者宋州人博學尤深黃老工文章開元中帝儲思
經義自褚無量元行沖卒而希烈與康子元馮朝隱進講
禁中其應答詔問敷畫微隱皆希烈爲之章句累遷中書
舍人十九年爲集賢院學士進工部侍郎知院事帝有所
譏述希烈必助成之遷門下侍郎天寶元年有神降丹鳳
門以爲老子告錫靈符希烈因是上言臣侍演南華真經

唐傳二百四十八
至七篇陛下顧曰此言養生朕既悟其術而德充符詎無
非常應哉臣稽首對陛下德充於內符應於外必有絕瑞
表之今靈符降錫與帝意合宜示史官著顯祥摛昭無窮
其媮佞類此此俄兼崇玄館大學士封臨穎侯林甫顯朝
苟用可專制者引與共政以希烈柔易且帝眷之厚乃薦
之五載進同中書門下平章事遷左丞相兼兵部尚書許
國公又兼祕書省圖書使寵與林甫侔林甫居位久其陰
詭雖足自固亦希烈左右焉楊國忠執政素忌之希烈引
避國忠即薦韋見素代相罷爲太子太師希烈失職內忽
忽無所賴及祿山盜京師遂與達奚珣等皆相賊後論罪

斬肅宗以上皇素所遇賜歿于家

唐姦臣列傳第一百四十八上

執事三侯賜策一百四十八上



神德

